



Dialuna Mei 26 2014 - Edicion-8 Vol.19405
Sta. Cruz #110 Tel: 585-9500 Fax:585-0951 - E-mail: solodipueblo@gmail.com

1.50

**URATACA
CENTER**

Special di awe:
Bami, Chicken leg,
Banana & Salada

Afl. 10.00
(di 12 pa 3pm)
Tel: 585-5212

**Hemelvaartsdag
feest:**

Zeta Band, TST y
Dj Alvin den Club
Trappers.

Diarazon, 28 di Mei
2014, 9pm

TOPA:

MINISTER DI FINANZAS YRAUSQUIN KIER PA TUR SINDICATO FIRMA E PROTOCOL DI PENSIOEN DIARAZON AWOR!

Yrausquin ta poniendo presion y tin basta pregunta riba e protocolnan cu ainda
mester di claridad!!!!



Despues cu el'a cana ataca famia y tata di otro politico:

Siman pasa Otmar Oduber a corda cu famia ta existi

Si bo kier respet, sea ehempel y duna respet

District Administrator Rhudy Donata den un conversacion
telefonico cu nos:

Turbulencia den Baseball Little League!!

Apertura bunita di Campeonato masculino HEINEKEN di Aruba Softball Bond



Dedica na baluartenan Andresito Krozendijk y Bertrando Bal Delaney

Den e area di Royal Plaza:

Homber seriamente maltrata y asalta pa tres persona



Glenbert Croes mester sigui e ehempel
di SABA riba e tema di naturalizacion:

MESTER POR PASA
EXAMEN NA PAPIAMENTO
OF HULANDES PA
HAYA NACIONALIDAD
HULANDES

**Aruba tin dos idioma oficial:
Papiamento y Hulandes**

Placa a caba y problema financiero a empeora:

AVP a plunder e dividendonan di companianan estatal y awor ta man na cabez pa haya mas entrada

Siman pasa nos por a tuma nota di un rapport di presupuesto 2014 cu gobierno di AVP a entrega na Parlamento y den cual gobierno ta indica cu den forma urgente nan mester tuma medida adicional pa haya mas entrada. Kico? Cual? Con? Di con awor e gobierno di AVP ta papia di tumamento di medida, siendo cu den pasado su lider Mike Eman cu boca grandi semper a declara cu nan no ta un partido di medida y cu si papia di medida, mester busca esaki cerca MEP? Enberdad, tempo ta nos mihor amigo pa desenmascara un lider mentiroso y mendigo cu awe ta na rudia pa busca placay mas placa, unda cu tal No ta e mesun lider aki a declara den campaña cu e lo kita e BBO di 3% completamente? No ta e lider aki mes mester a pasa den berguenza pa guli su propio palabra y reduci e BBO cu solamente 1.5%, pero cual a pone cu gobierno desde 2010 ta hayando 90 miyon florin menos na entrada pa aña? Y den 5 aña, 450 miyon menos na entrada?

Menos entrada den 2014: Awe AVP ta papia cu mester busca mas entrada, pero no ta e partido aki mes semper a declara cu nos pais

ENTRADANAN DI GOBIERNO	2013	2014
Januari	88.4	95.3
Februari	124.3	84.3
Maart	86.9	89.9
Total Jan - Maart	299.6	269.5

lo logra haya hopi mas entrada door di e crecimiento economico cu nan a percura pe? Si na 2009 gobierno di MEP a laga e entradanan na 1108.9 miyon florin, esaki a aumenta den 4 aña te na un miserabel 1143.8 miyon florin na 2013. Pues, for di unda a sali e locura cu e crecimiento economico lo conduci na un aumento substancial di entradanan di gobierno y p'asina sigui paga pa tur e miyones y miyones extra na fechorianan di e gobierno actual? Y pa completa obra den e promer 3 lunanan di 2014 – segun cifranan oficial di Banco Central - nos por mira un caida drastico den e entradanan di gobierno y esaki compara cu e promer 3 lunanan di 2013. Aki nos por constata un caida den un kwartaal so di 30.1 miyon florin na entradanan di gobierno (mira tabel adhunto).

Un gobierno cu hopi curashi! Awe nos por lesa den e rapport cu a ser entrega na Parlamento cu gobierno manera

mendigo ta bay busca extra entrada mediante e suma di 2.50 florin pa persona di e Airport tax y tambe gobierno den su desesperacion lo bay busca un miserabel 2 miyon florin extra di e impuesto nobo pa barco grandi cu ta usa e lama di Aruba pa haci actividad economico. Pero fuera di esey, mester constata cu nos si tin un gobierno cu curashi cu ta declara sin ningun tiki di berguenza cu na 2013 nan a plunder un suma record na dividend, entre otro un suma di 45 miyon florin di Aruba Airport Authority. Pero no ta AVP mes den

pasado a declara cu – contrario na gobierno di MEP – nan si lo no chica e dividendonan for di e companianan estatal y ta laga esakinan aden pa inversion? Un biaha mas, pisca ta muri pa su bocal Conclusion ta cu AVP ta un partido di 'tira para', ya cu nan no tin ningun idea con pa soluciona e problema financiero grandisimo cu nan mes a hinca nos pais aden y awor ta recurri na tuma medida drastico pa baha e gastonan di gobierno y cual medida un biaha mas ta cay riba lomba di e pagadornan di belasting.

ORCUYO SAND & HEAVY EQUIPMENT

PA TUR SORTO DI SANTO, PIEDRA Y GRANIET.

ENTREGA TA GRATIS Y CU

BON SERVICIO.

SERVICIO DI HACI CURA Y TERENO LIMPI CU BOBCAT.

PIDIE AWE, HAYE AYERA !



Tel: 741-4964

Aruba Softball Bond hunto cu Royal Power y HEINEKEN ta presenta

Champs of the Champs 2014 "The 8th Edition" 30 Juni - 6 Juli 2014

10 equipo internacional CONFIRMA!!!!!! Delegacionnan di mas di 500 persona Competencia halto nivel den combinacion cu un ambiente unico!! Keda Pendiente.

Despues cu el'a cana ataca famia y tata di otro politico:

Siman pasa Otmar Oduber a corda cu famia ta existi

Si bo kier respet, sea ehempel y duna respet

Manera un mucha chikito Otmar Oduber a sinta yora na television diabierna te snik, unda e ta pidi pa please, stop di ataca su señora, su tata: Rudy Oduber y tur su famia. Cu masha asombro nos a sinta waak e yoradera aki, unda te hasta e ta hinca number di nos director, sr. Edmond Croes den su declaracion, basando su mes ariba facebook di sr. Edmond Croes. Nos di Solo di Pueblo a haci un investigacion y nos no por a topa cu ningun politico ni tampoco nos director cu a menciona number di su tata of number di su esposa. Nos a puntra nos director y el'a contesta nos: "Mi conoce e esposa di Otmar personalmente, mi tabata na school cune, masha bon hende y mi conoce e tata di sr. Otmar Oduber personalmente como tambe e mama di Otmar Oduber. Basta aña pasa m'a viaha den

nan compania pa Las Vegas hunto cu defunto Janchi Arends pa bay atende un reunion di radio emisora. Rudy Oduber ta un shon di hende". Segun Edmond Croes, nunca el'a ataca tata di Otmar ni tampoco señora di Otmar Oduber. Nos redaccion a busca mas informacion y tampoco nos pora topa cu ningun atake cu a sali for di MEP. Un acto cu si ta wordo critica ta e huur di su tanchi! No por otro tampoco, pasobra ora bo ta critica otro ariba huur, anto bo tin cu wordo recorda cu den bo propio famia, esta bo tanchi ta cobra huur. Biniendo bek ariba e yoradera di Otmar, nos ta corda ainda con e ta baha pisa den parlamento riba sr. Hendrik Croes. Hendrik Croes ta wordo yama pa tur sorto di cos. Nan ta haci y deshaci cu su number den parlamento! Dicon? E ora ey Otmar a lubida cu Hendrik ta

tata di Evelyn? Cu otro palabra e so mag critica famia y otro no mag critica su famia? Si Otmar awe kier pidi disculpa, pordon y e kier cambia e regla di wega, anto e cuminsa na duna les na su partido AVP! Si bo kier rebaha otro, anto corda cu abo tambe ta wordo poni bek na tera. Loke si nos medio a publica ta cu e amigo di Otmar y su bodyguard Deo, a wordo sentencia pa huez pa ladron di l-phone y a haya castigo pe. Nos a puntra Otmar e tempo ey: Cual ta dañ a industria turistico mas? Rocky Kelly of su amigo cu a wordo sentencia pa a horta turista? Talvez ta e expresionnan ey a conduci cu Otmar a rabia y a haye ta menciona number di nos director y ta referi na su comentarionan riba facebook? Te aki pa awe! Mañan nos ta sigui riba Otmar!

TOPA:

Minister di Finanzas Yrausquin kier pa tur sindicato firma e protocol di pensioen diarazon awor!

Yrausquin ta poniendo presion y tin basta pregunta riba e protocolnan cu ainda mester di claridad!!!!

Algun sindicato representando empleadonan publico como nan miembro a bin ta tuma nota riba un paar di desaroyo straño den e ultimo simannan aki den e negociacion ariba Inhaalmanoeuvre y Indexering. Tambe pensioen caminda cu e minister di finanzas, sr. Juan David Yrausquin ta poniendo bastante presion pa asina e protocol di e pensioenoverleg wordo firma mas liher posibel. Sindicato TOPA ta ilustra cu den e protocol a ser poni cu e protocol aki mester ser firma prome cu 30 Mei 2014 y ora a puntra cual ta e motibo pa tin asina un pura pa firma e protocol aki, como contesta a duna cu esaki mester bay Parlamento pa haya aprobacion di Parlamento pa asina por paga e reparatie - premie na Augustus 2014, 850 florin. Aki mester bisa cu ta un falta di respet totalmente pa e sindicatonan cu ta den desacuerdo cu e contenido di e protocolnan di pensioenoverleg y tambe esun di e indexeringoverleg. Esaki lo ta devastador pa tur ambtenaar den e caso aki mirando contenido di e protocolnan aki. Diabierna ultimo durante e reunion cu sindicato TOPA a asisti te cu 6:00 di atardi tabata tin un total di 4 alternativa: protocol ariba pensioen a wordo entrega na e sindicatonan presente. Practicamente tabata riba un diabierna atardi unda cantidad di cos a pasa despues cu e presidente di sindicato TOPA a bay for di e reunion. Kizas intencionalmente y no ta tur sindicato a asisti na e reunion aki: 1. No tur sindicato a haya e suficiente oportunidad pa pasa door di tur cuatro (4) protocol. 2. Den e protocol di pensioen tambe ta skirbi y condiciona cu prome cu firma e protocol aki, mester haya aprobacion di tur miembro di cada sindicato, pa

loke ta trata e empleadonan publico. 3. Minister Yrausquin tin pura pa tur sindicato firma e protocol di pensioen prome cu 30 Mei 2014. 4. E contra proposicion di sindicato TOPA despues cu e presidente di TOPA a retira for di reunion diabierna ultimo minister di finanzas a saca, e contra proposicion di sindicato TOPA y a rechaza esaki, siendo cu na momento cu sr. Bernabela como presidente tabata presente den reunion ningun rato so minister di finanzas a saca e contra proposicion di sindicato TOPA. No a duna un splicacion pakico el'a rechaza e contra proposicion aki. Sr. Yrausquin a bin cu cuatro (4) proposicion como alternativa pero tur ta di pensioenoverleg y ningun ta di e indexeringoverleg. Cu otro palabra gobierno kier paga solamente e 850 florin como reparatie - premie na e ambtenaar y no locual e ambtenaar tin derecho ariba dje cual ta e 1000 florin. Tambe e aumento ariba e gelijkbedrag y bashi premie cu 100 florin ariba cada uno te cu 2022. Tur miembro di tur sindicato mester para nan directiva y presidente pa asina diarazon awor 28 Mei 2014 pa 10:00 di mainta ningun firmamento tuma lugar pasobra e contenido di e protocol di pensioen tin bastante pregunta cu mester wordo contesta y haya claridad riba nan prome. No por ta asina cu otronan ta bay firma diarazon awor 'e protocol di e acuerdo bilateral ariba pensioen' y asina perhudicando un cantidad di ambtenaar na momento cu nan bay baha cu pensioen. Esnan cu firma cu e acuerdo bilateral encuan to di pensioen diarazon awor, tin cu bay para responsabel pa nan actonan como cu no a haya autorizacion y mandato di nan miembronan.



ATENCION

Relaciona cu dia di Asuncion, nos ta cera dianan **29 y 30 di mei, 2014.**

Entrante **2 di juni 2014**, nos ta na bo servicio atrobe.

Nos disculpa pa posibel inconveniencia cu esaki por trece cu ne.

WEB
WATER- EN
ENERGIEBEDRIJF
ARUBA N.V.

Balashi 76, Aruba | T. 525 4200 | F. 585 2000
E. info@webaruba.com | www.webaruba.com

Puppies di Pitbull horta

Asistencia di Polis a wordo pidi diabierna pa 7:22, na Hotel Baccarat unda ladronnan a bay cu yiunan di cacho. E muher H. a bisa polisnan cu pa 6:40 y 7:15 ladronnan a drenta paden y a bay cu 7 puppies di Pitbull, color maron. Polis a tuma e keho.

PUEBLO A HAÑA SU PEN BEK


Pa kualkier informacion
solodipueblo@gmail.com
of
585-9500

Den e area di Royal Plaza:

Homber seriamente maltrata y asalta pa tres persona



Diasabra (madrugá) un security dilanti Crystal a bati alarma pa un persona na sanger dilanti Crystal Casino. Polis na su yegada a papia cu e cabayero y el'a conta cu tres persona a bati'e y kita tur su pertencianan. Segun e ta conta nan a bati'e cu biga, y esey tabata visibel tambe. E tabata tin un golpi basta bon na su cabez. bulance a presenta y a transporta e cabayero pa hospital pa tratamento.



Persona a cay for di quad racer na Pos Chikito

Esaki despues cu el'a haci 'fever'



Diadomingo atardi den careda di 4:30 Polis di trafico y Ambulance a bay cu urgencia altura di rotonde Pos Chikito. Aki dos quad racer, dus un hende ariba cada un, un di nan lo a bay haci fever. Y aki ta caminda

e quad racer a sak'e y el'a cay ariba su cabez. El'a keda seriamente herida. E persona muy probablemente tabata bao influencia. Ambulance a prepar'e y sali cune mesora pa hospital.



STATEN VAN ARUBA

OPENBARE VERGADERING OP 26 MEI 2014 OM
09:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Uitspraak Staten van Aruba naar aanleiding van gemaakte afspraken tijdens het tripartite overleg van april jl. en het Interparlementair Koninkrijksoverleg

De Plv. Griffier,

drs. J.I. Williams

Esaki ta e actitud di mala fe di e gobierno di AVP: Kibra tur contract di huur, saca tur empleado for di edificio y despues sinta yora cu gobierno ta paga pa huur edificio bashi

Ya ta bisto caba pa comunidad cu e unico issue cu e gobierno di AVP semper tin contra MEP ta e letania di huurmento di edificio. Asina nos por a mira siman pasa con Otmar Oduber un biaha mas a dirigi su atake riba famia Croes y MEP, haciendo como si fuera cu ta e famia aki so tabata tin edificio gehuur cu gobierno, siendo cu actualmente tin como 45 otro compania y famia tambe a huur, ta huur y lo sigui huur edificionan cu gobierno. E tal Otmar den su atake di desesperacion a trece padilanti cu su gobierno ta pagando tur luna hopi placa pa huur y cu e edificionan aki ta para bashi. Sinembargo den e mesun rosea e no ta bisa pueblo cu tabata su gobierno mes cu na final di 2009 den nan racha di odio y venganza a dicidi dictatorialmente di kibra tur contract di huur legitimo, saca tur e empleadonan di e departamentonan cu tabata ubica den e edificionan aki y hinca nan den otro edificionan cu nan mes a huur. Y awor manera un mucha malcria e tal Otmar ta sinta yora tur dia cu su gobierno ta pagando huur pa e edificionan bashi aki. Esaki nos di MEP ta yama 'Mea Culpa' of 'eigen schuld, dikke bult'.

Huur di edificio di Tanchi

Pakico MEP ta considera henter e kibramento di contract di huur di parti di AVP como un acto di odio y venganza? Pa demonstra esaki partido MEP ta trece padilanti e huurmento di e edificio di



Huur na Tanchi: 3.3 miyon florin!



un tanta di e tal Otmar y cual edificio ta situa den Caya Betico Croes 149 y caminda e departamento di Telecomunicacion tabata ubica. E contract di 5 aña di e huur aki (Afl. 17.920,00 pa luna) a ser cera bao di Gabinete Henny Eman, esta dia 1 di September 1999 y lo a termina dia 31 di Augustus 2004. Hecho ta cu ora cu gobierno di MEP a sinta dia 1 di November 2001, ningun momento so e gobierno a pensa mes di termina cu e huur aki y benta tur empleado di e departamento di Telecomunicacion riba caya. Gobierno di MEP a respecta e contract aki, aunke cu e doño ta un 'family', tanchi directamente liga na Otmar y partido AVP. Si gobierno di MEP tabata di mala fe, for di prome dia caba nan lo

a kibra e contract aki, saca tur empleado afor y sinta yora 5 aña largo cu gobierno ta pagando huur pa un edificio bashi. Pues MEP lo tabata tin e mesun actitud di yoron cu awe Otmar Oduber ta desplegando.

Huur di edificio bashi

Te hasta a yega asina leu cu despues cu e contract di Tanchi a termina, gobierno di MEP – mustrandó di no ta un gobierno vengativo y odioso - a prolonga e contract di huur cu un otro 5 aña mas. Pues den e 10 añanan di contract gobierno a paga den total un suma di 2.2 miyon florin na un solo famia, doño di edificio cu ta liga directamente na AVP. Y e fiesta di huurmento di e edificio aki a sigui, ya cu actualmente Directie Scheepvaart a wordo ubica

den e edificio aki door di e propio gobierno di AVP. Pues aki nos ta mira con un otro 1.1 miyon florin ta bay pa e tanchi aki. Total 3.3 miyon florin na huur!

Ta pesey partido MEP ta haya henter e show y payasada cu Otmar Oduber a haci riba e asunto di huurmento di edificio como algo ridiculo. Alavez lo ta bon pa Otmar Oduber cuminsa cuestiona su propio gobierno pa loke ta e edificio cu nan ta huur actualmente pa Rietveld Academie situa den Wihelminastraat. For di Februari 2013 gobierno ta huur e edificio aki pa un suma di 50 mil florin pa luna y te cu awe e edificio ta para bashi. Pues den total e gobierno abusador di AVP ya a paga un suma di 750.000,00 florin sin cu pueblo tin beneficio den e huurmento aki.

Finalmente, e adagio di Otmar Oduber y AVP ta cu tur hende, instancia, famia, amigo y compinchi di AVP por huur edificio cu gobierno, pero si ta un persona of instancia liga na MEP, nan como Arubiano no tin ningun derecho.



SPECIAL SPECIAL SPECIAL

**Any Blow dry pa solamente
Afl 35.00**

**Men's haircut pa Afl 20.00
Ladies hair cut pa Afl 25.00**

**Ricibi un banjo di crema
completamente gratis cu
cualquier servicio.**

**Y puntra pa nos paquete special
pa prome Santa Comunion**



Chauffeur a kibra cura di warda di Polis na Shaba y bay aden



Diadomingo mainta pa mas o menos 10:15 polisnan den warda di Shaba a scucha un sonido basta duro. A bisa cu un auto a drenta un cura di cas na Shaba. Mesora polisnan a sali y a busca pero dilanti Do It Center un hanchi pariba di caminda nan a mira un auto Mericano hinca den cura di warda. Mesora nan a bay waak y a resulta cu ta un chauffeur di edad na stuur y cu velocidad el'a dal contra e cura y bay den cura. E chauffeur no tabata musta di e grave ey, pero toch a solicita pa ambulance. No ta conoci pakico e cabayero a drenta e hanchi aki, te pa e drenta cura di warda.

Remetido

Sindicatonan ta negociando siendo cu ya caba Gabinete Eman a tuma decision pa hisa edad di pensioen di ambtenaar dia bieu!

Esaki ta e resultado di Dialogo Social: AVP a bin cu e Dialogo Social aki djs pa nan haci y deshaci. Pakico no ta bay den parlamento discuti cu esnan cu pueblo a eligi, esta MEP y PDR di Andin. No, tur cos mester sosode scondi. E miembronan di SEPPA ta rabia cu Magaly. Ken sa cu nan tur a marcha pa siete siman largo.... Tuma awor... Paks.

Santa Cruz BARBERSHOP
Mon-Fri: 8AM-9PM • Sun: 9AM-6PM
T1.600-6673 • T2.592-1880

MADURO HEAVY EQUIPMENT N.V.


**Santo pa Basha, Santo pa Pleister,
Crushed Sand, Piedra, Tera pa**

**Mata, Graniet. Tambe nos ta
Rosa Tereno, Coba Pos y
Fundeshi.**

ROOI BOSAL 49

TEL.: 585-1708

FAX.: 585-6299



- 1st week: Detox your body with HealthWise.
Receive a Foot detox and Foot reflexology
- 2nd week: Very Low Calorie Diet to burn fat.
Cavitation + Detoxifying Body wrap + RBV Power Vibe
- 3rd week: Low Calorie Diet to get into your refeeding phase.
Cavitation + Anti Cellulite Body wrap + RBV Power Vibe
- 4th Week: Low Calorie Diet to get into the maintenance phase.
Cavitation + Slimming Body wrap + RBV Power Vibe

Now unlimited Power Vibe training.

Richelle

Santa Cruz 111-B

info@beauty-vision.net

Beauty

5851071 * 5851073 * 5942758

Vision

www.beauty-vision.net

Plan includes:
Protein Products for 30 days!
3 Lipo Cavitation treatments
3 RBV Special Body Wraps

Afl 558,25
INCL. BBO

Partido MEP lanta riba, Solo ta halto caba!

Sr. redactor masha danki pa e espacio concedi.

Luna pasa, Comision Salba Aruba, a comenta caba ariba e Ley cu ta regarda e Financiamiento di e partidonan politico y a bini cu sugerencianan pa delanti. Pero aparentemente nos sugerencia NO a wordu tuma na serio door di e partido M.E.P. Esaki Comision Salba Aruba ta lamenta profundamente. Es Ley aki ta transcendental pa pais Aruba. Pakico? Pasobra 1. si e Ley aki drenta na vigor tur partido politico cu ta desea pa tuma parti na e proceso electoral, MESTER duna cuenta ta for di unda nan entradanan financiero ta bini. 2. E Ley aki ta yuda enormemente den frena e partidonan NARCO COMPLACIENTE. Pais Aruba, NO por tolera mas corda pa acepta, cu ta bolbe bay un eleccion sin cu e Ley importante aki haci su entrada oficialmente.

Comision Salba Aruba mescos cu nos digno pueblo por a nota cu partido A.V.P. durante e campaña electoral di 2013, tabata dispone di miyones di miyones di florin. Door cu e Ley aki NO ta vigente ainda aki na Aruba, partido A.V.P. no tabata tin ningun clase di obligacion pa bisa ta for di unda nan a haya e miyones di miyones di florin ey pa campaña.

Door di tabata dispone di tantisimo placa asina y tambe door di a practica KIEZERSBEDROG, e partido A.V.P. a gana e eleccion di 2013 abrumadoramente. Ta pa es motibo aki, pa evita KIEZERSBEDROG y cumplimiento di voto, es Ley aki ta di vital importancia. Pero lamentablemente den nos concepto partido M.E.P. no ta mira e urgencia necesario pa bini cu e Ley tan importante aki.

Mirando e importancia di e Ley aki, Comision Salba Aruba, ta bolbe sugeri partido M.E.P. pa lo siguiente. Waak si por haya un copia di e Ley aki for di e Presidente di Parlamento di Corsou. Corsou si ta dispone di un Ley asina. Despues di haci e cambionan cu ta necesario, entrega e concepto di e Ley aki na Presidente di nos Parlamento sra. Marisol Lopez-Tromp y exigi pa mas pronto posibel trata esaki den un reunion publico. Si nota cu e reunion aki no wordo yama dentro di un termino razonabel, pa pone Minister Plasterk di Hulanda na altura.

Pa Comision Salba Aruba, despues di nos constitucion e Ley aki cu ta regarda e financiamiento di partidonan politico ta esun di mas importante. Tuma nota di nos Gobierno aki, e ta esun di mas malo cu Pais Aruba a conoce for di nos Status Aparte. Ta door cu e Ley aki no ta na vigor ainda, sr. Mike Eman por a manipula y a gana eleccion. Pesey mes awor aki, ta ken cu ta, ta minister. Sr. Mike Eman tabatin miyones di florin pa gasta den campaña y NO tabata tin e obligacion pa muestra ta for di unda A.V.P. a haya tur e miyones nan ey. Djis corda ariba Kiko Gomez gate, Strawberry gate y por ultimo e Dimas gate. Te dia di awe Mike Eman no kier bini delanti y duna Pueblo un splicacion tocante e tres gatenan ariba menciona. Ta pesey mes, Comision Salba Aruba, NO ta sosega ningun momento, tanten cu e Ley aki drenta na vigor. Pues M.E.P. trabao tin pa haci. Mano a la obra. Period.

Comision Salba Aruba

Homber a drenta den cura y bay cu cuminda di cacho

Asistencia di Polis a wordo pidi diabierna pa 8:49 na un cas na Tanki Flip, pa ladronia. Na e cas polisnan a papia cu un homber kende a bisa cu su amigo K.D. ta biba eyan. El'a bisa cu el'a mira un homber desconoci para na e muraya pafor di e cas di K.D. y a mira e homber habri e porta y drenta paden. E testigo a bisa polisnan cu el'a bay para pa mira kico e homber ta haci. E

homber tabata purba ranca na e portanan pa habri nan, pero despues cu e no alogra, el'a bay patras di e cas y a bay cu un caha di cuminda di cacho. E testigo a bisa e homber pa pone e cosnan bek na su lugar. El'a haci esey y a cana bay. Mas o menos pa 9:00, Polisnan a topa cu e homber canando na altura di un cas na Tanki Flip. Polisnan a papia cu e homber, kende a bisa cu e

conoce e habitante di e cas como un tal Papa y segun su declaracion Papa a duna permiso pa coy e caha di cuminda di cacho, pero e no por a duna Polis e number di telefon di Papa. Relaciona cu esey, Polisnan a deten'e pa ladronia, kende a resulta di ta G.R.H. naci na Aruba y hiba warda di Polis. Despues cu el'a presenta dilanti Fiscal, el'a haya un boet y por a bay cas.

Ladronnan no a logra horta auto'

Asistencia di Polis a wordo pidi diabierna pa 9:41, na Yanana pa un intento di ladronia den un auto. E muher P. a bisa cu desconocirnan a purba horta su auto, pero no a logra. Polis a tuma e keho y Recherche a wordo poni na altura pa bin busca evidencia.

Kids Bike Jams



Sign up at Tri-Bike Aruba

POINT SERIES SESSIONS

1 CIRCUIT SAFIR: 10 MEI 2014

2 CIRCUIT BUSHIRIBANA: 24 MEI 2014

3 CIRCUIT BARCADERA : 14 JUNI 2014



Oferta cu ta duna e cliente 6 vez mas
balor pa su placa

Digicel cu plan di data hopi atractivo pa 3 dia Dedica na tur cu kier disfruta di mas data y mihor conectividad




Digicel ta lanza un plan di data nobo, ofreciendo usarionan e oportunidad di activa y disfruta di un plan di data durante 3 dia largo pa unicamente 10 florin. Cu e plan di 3 dia di data di Digicel, e cliente ta ricibi 600 'megabite' pa e por 'download', 'chat', 'surf' y conecta cu e red 4G cu Digicel ta ofrece na su usarionan. Pa activa e plan di 3 dia di data di Digicel, mester primi *135# SEND, for di un telefon android of *136# SEND for di un BlackBerry y sigui e instruccionnan. E oferta aki ta permiti usarionan pa disfruta di un velocidad halto di data durante 3 dia; ora e plan caduca e cliente lo mester reactiva e plan di nobo. E uso di data a bira masha importante y practicamente inevitabel pa cualkier persona cu un smart phone. Nos a diseña e campaña aki cu nos clientenan den mente. Tambe nos ta consciente cu den e mundo di

awendia no ta posibel mas pa e usuario ta sin conectividad di Internet. E plan 3 dia data di Digicel ta ofrece e cliente 6 biaha mas tanto balor pa su placa. Esey ta loke Digicel ta para p'e tambe, di acuerdo cu Remko van der Veldt, Gerente General di Digicel Aruba. E plan aki ta yega manera un bon noticia pa tur esnan cu usualmente ta activa un plan di data pa un solo dia; cu e plan aki e cliente ta keda conecta durante 3 dia pa solamente 10 florin. Digicel ta para pa calidad den servicio y tambe pa ofrece e clientemuchomasbalor pa su placa. Pa mas informacion tocante cualkier servicio of e plan 3 dia data por bishita e website <http://www.digicelaruba.com> of yama e centro di servicio pa cliente na number 145 gratis for di bo celular. Por comunica tambe via Facebook <https://www.facebook.com/DigicelAruba>.

Justin Bieber kier ta mas den un luz positivo y ta regala un suma basta grandi na un bon causa

E idolo di musica pop, Justin Bieber e weekend aki a regala un suma basta grandi pa un bon causa.

Justin Bieber a regala mas o menos mey miyon dollar na un bon causa. Esaki el'a haci durante e amFAR-Gala. Ultimamente Justin Bieber tabata varios biaha den publicidad pero pa publicacionnan negativo, manera core auto bao influencia, otro biaha cu el'a usa droga, e kier meen awor ta



tempo pa vibracionnan positivo. Nan a puntra e cantante di pop cu si e ta sigur di kier duna asina hopi placa, el'a admiti cu si, el'a wordo inspira pa haci algo positivo y bon. E placa cu a wordo recauda durante e gala a wordo entrega pa haci mas investigacion pa cura di aids. Artistanan manera Leonardo di Caprio, Heidi Klum y John Travolta tambe tabata presente na e Gala aki.

MAY 28

HEMELVAARTSDAG FEEST

LADIES NIGHT

Zeta Band, Tst Band, Dj Alvin

TST BAND

CLUB TRAPPERS
FULL AIRCO
Y SECURITY PA CUIDA BO AUTO
DOORS OPEN @ 9PM
LADIES FREE ALL NIGHT

CABALLERO TA PAGA 10 FLORIN

Parlamentario mr. Xiomara Ruiz-Maduro:

Presupuesto 2014 ta yena cu medida cu lo afecta Pueblo

Siman pasa Minister Yrausquin a entrega e Comision Financiero di Parlamento un nota financiero cu ta duna un bista riba e presupuesto di 2014 pa nos Pais. E presupuesto mes no a keda entrega ainda na Parlamento di Aruba pa su tratamiento. Pero pa accelera e tratamiento di e presupuesto y pa contesta mas pregunta cu ta posibel pafor di e debate publico, Minister Yrausquin a presenta e nota aki cu ta contene entre otro e medidanan cu Gabinete Eman tin prepara pa Pueblo den 2014.

E medidanan cu lo keda introduci den 2014 pa un suma total di mas di 100 miyon florin ta lo siguiente:

1. Subida di edad di pensioen di ambtenaar APFA di 60 pa 65 aña pa yega na spaar 30 miyon florin.
2. Lo manda 270 trahador di gobierno cas, cu ta consisti di 180 arbeidscontractant y 90 persona cu ta bay cu pensioen no lo wordo reemplaza of no lo wordo brinda un contract pa keda. Asina lo spaar 7 miyon florin.
3. Lo kita 9 di e 90 hendenan cu ta den e overtolligheidspool pa spaar 1 miyon florin.
4. Lo retira 50 ploeg cu ta haci limpi banda di caminda pa spaar 5 miyon florin.
5. Lo corta den subsidio di Fundacion Faciladnan Deportivo pa a spaar 1 miyon florin.
6. Lo reduci e duurtetoelag, un componente di pensioen di ambtenaar, pa spaar 11 miyon florin.
7. Lo corta den inventario di kantoor, telefoon, fax, internet, huur di edificio, lease



di auto, conseho di experto, subsidio y placa destina pa fondonan special pa por spaar 23 miyon florin.

8. Lo corta den overtime di Polis, CEA, Brandweer, KIA y den overtime traha den Ministerio di Salubridad, Cuido di Grandinan y Deporte pa spaar 5,7 miyon forin.

9. Lo corta den presupuesto di DOW y colegionan di estado manera Parlamento, Raad van Advies y Algemene Rekenkamer pa spaar 6,5 miyon florin.

10. Lo corta subsidio den AZV y pidi AZV pasa medida (3 florin pa receptregel, 15 florin bishita huisartsenpost, 50 florin bishita Eerste Hulp den oranan scur) pa yega na e fondonan pa cubri e gastonan pa

spaar Gobierno 6 miyon florin.

11. Lo cobra 25 florin pa piki sushi na cas.
12. Lo kita bijstand y onderstand pa handicap pa spaar 4 miyon florin.
13. Lo corta den subsidio pa deporte pa spaar 1,8 miyon.
14. Lo keda sin cumpra aparato pa Landslaboratorium pa spaar 900 mil florin.
15. Lo corta den subsidio di Arubus pa spaar 2,8 miyon florin.
16. E seccion di control aereo di Directie Luchtvaart lo bira NV mas tarda 1 di November 2014 y tur empleado lo perde status di ambtenaar pa asina spaar 7 miyon florin.
17. Lo corta den subsidio pa stichting di Gobierno pa spaar 2,3 miyon florin.
18. Lo cobra fianza pa estudio mas rigidamente y lo pone mas regla severo pa por bin na remarke pa un fianza pa estudio pa spaar 7,3 miyon florin.

Tur e medidanan aki lo afecta Pueblo sea directamente door cu Pueblo mester bay paga extra pa AZV, pa piki sushi, lo perde trabao, keda sin bijstand of onderstand, paga mas pa transporte, paga mas pa cuido di grandi, of indirectamente door cu servicio di Gobierno ta bira pio, salubridad ta bay atras, criminalidad ta aumenta y inseguridad ta crece mas. Tur esaki siendo cu Minister Eman a keda ripiti den eleccion cu su Gobierno no lo bin cu ningun medida. Awe danki na e desastre haci cu nos finanzas publico e presupuesto di 2014 ta yena cu medida cu lo afecta e Pueblo.

District Administrator Rhudy Donata den un conversacion telefonico cu nos:

Turbulencia den Baseball Little League!!

Diadomingo anochi, nos redaccion a conversa cu District Administrator di Little League, sr. Rhudy Donata, kende a trece dilanti algun punto na raiz di e problemanan cu a surti diadomingo riba veld. Nos por comprende cu tin cierto disgusto ora cu a usa 'combine' den weganan di Junior League. Algun dirigente ta pidi e prueba necesario pa nan por waak, siendo cu aparentemente lo no por a pone e prueba riba mesa. District Administrator pa Aruba a comparti algun punto cu nos redaccion: 1. Segun sr. Donata, debidamente e tin e permisionan di sr. Pagan di Pto. Rico cu e mag y por haci uso di combin'e. Dicho permiso, un copia lo wordo manda pa nos redaccion. 2. El'a tuma nota di un desunion

den Center League, entre directiva y manager. 3. Baseball di mucha, ta pa yuda cu formacion di muchanan cual mester ser lidera pa bon ehempel. Loke a pasa awe, ta serio y ta di lamenta cu ta duna mal influencia riba e muchanan. 4. E motibo cu den pasado a yega na dos liga, ta pasobra esey ta den beneficio di Aruba cu ta haci cu Aruba por competi. Cu tres liga ta bira sumamente dificil pa Aruba. 5. Relaciona cu un supuesto carta di protesta, sr. Donata ta bisa cu e NO a haya esaki. E caminda pa entrega un protesta ta cerca su persona y su persona ta sigui e canal necesario. Den e caso aki parce di a by-pass su persona y a bay directo na instancianan mas halto, cual no ta algo corecto. 6.

Finalmente, Center League a perde e weg di awe. Esey te status actual. Awor lo skirbi y informa autoridadnan mas halto pa consulta nan opinion y of nan decision. Esaki ta loke a conversa cu District Administrator di Little League Aruba, sr. Rhudy Donata.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
585-9500

7 persona ta muri den un tiroteo na Santa Barbara California



Diabierna anochi pa mas o menos 9:30 na Santa Barbara California un hoben a dicidi di subi su BMW color preto arma cu un arma semi automatico. E hoben aki yiu di un di e directornan di e pelicula "Hunger Games" a pasa banda di University di California y a basha bala, manera un drive by. Siete persona a muri den e incidente tragico aki, incluyendo e hoben mes. Nos ta conoci si ta e mes a pone fin na su vida, of ta ora cu Polis a tira ariba dje. E hoben Elliot Rodger di 22 aña tabata of ta un estudiante na UC Santa Barbara y segun informacionnan ricibi tabata bao tratamento di multiple terapeuta nan. Un

dia prome esta diahuebs, el'a graba un video y a post e ariba You Tube. Y ta bisa cu maan, esta diabierna nan lo waak kico ta bay pasa. El'a papia di un castigo mereci. E hoben Elliot Rodger tabata sufri di depresion y e motibo tabata cu durante cu e ta bay school, niun chick tabata worry cune y tambe e estudiante popular no tabata lague drenta den nan circulo. Dus aki nos por waak kico rabia por causa. Testigonan a splica cu e tiramento tabata manera un pelicula di cowboy. Siete persona mas a wordo herida y uno ta grave. Mayoria di esnan herida ta studentenan di UC Santa Barbara.

SR. RENE HERDE TA CO-CULPABEL DI E DESASTER FINANCIERO ACTUAL DI PAIS ARUBA!

Sr. Rene Herde tin e don di vocifera e opinion di su partido y di su lider Mike Eman na un manera hopi fuerte.

Nos conoce sr. Herde cu ta defende e maneho di gobierno cu un pasion y fervor cu ta dunabo kipevel, pero ultimamente nos a bin ta ripara cu sr. Herde tin di busca palabra y hasta ta gagea ora e trata di hustifica e maneho financiero fatal di e gobierno di Mike Eman.

Despues di e tratamento di e jaarrekening di 2011, sr. Herde a sali cu un atake frontal contra di oposicion, argumentando cu oposicion kier exige di gobierno pa sigui gasta mas placa. Aki e ta comparando appel cu peer, pasobra hustificacion di e aumento di mas di 27% di e presupuesto, y presupuesto suppletorio di 2011, no tin nada di haber cu partidonan opositor paden of pafo di parlamento. Importante ta cu Mike Eman a hinca nos pueblo "willens en wetens" den un abismo financiero sin cu nunca nos por a scucha e parlamentarionan di AVP hasi un esfuerzo pa cumpli cu nan deber pa controla e gobierno di Aruba adecuadamente.

Sr. Herde ta indica cu Hulanda nunca a exige di e gobierno di Aruba pa laga e "Commissie Financieel Toezicht (CFT)", cu ta supervisa e maneho financiero di Korsow y St. Maarten, bin ehecuta e mes un tipo di supervision na Aruba tambe.

Sr. Herde ta lubida cu ta minister Plasterk mes a laga sa den Tweede Kamer di Hulanda cu un carta a wordo manda pa JDY dia 11 di Februari 2014, na unda ta dun'e un advertencia pa laga controla finanzas publico di Aruba di un forma imparcial.

Tin un solo splicacion, mi amigo Baba, y esey ta cu Hulanda no ta confia bo gobierno mas pa motibo di e falta di transparencia y derochamento di placa di bo gobierno.

Pa scapa cara, minister Juan David Yrausquin a core declara cu lo bin cu un propio comision di supervision na Aruba, y cu metemento di Hulanda no ta necesario.

Un otro realidad di bida di AVP ta, cu nunca bo gobierno a acepta e consehonan y recomendacionnan di Raad van Advies, Rekenkamer of Centrale Accountants Dienst. E motibo ta simpel, pasobra e consehonan di e institutonan respeta aki tabata contene demasiado critica contra e maneho financiero desastroso di e gobierno di Mike Eman.

Sr. Herde claro cu no por acepta e consehonan, pasobra e lo ta un muestra cu e ta fayando como parlamentario door di a permiti Mike Eman hinca Aruba den



un abismo financiero.

Pero e tragi-comedia di partido AVP no ta caba aki, pasobra sr. Herde mes ta duna nos e prueba den man con su partido a comete "kiezersbedrog" di dia cla. Sr. Herde a duna di conoce cu e MES, na nomber di su partido AVP, a firma e protocol pa realiza un "balanced budget" na NOVEMBER 2013, PUES DESPUES DI ELECCION.

A palabra cu e gobernacion di Mike Eman II lo introduci medidanan contra e pueblo cu ciegame a deposita nan confianza riba su partido, algun luna prome den un eleccion, na unda AVP a hiba un campaña multimillonario y a priminti cu no lo tuma ningun medida, Y AINDA FALTA.

Sr. Herde mester sigui defende cueste loke cueste gabinete Mike Eman I manera ela bin ta haci durante tratamiento di e "jaarrekening 2011", pasobra e ta co-culpabel di a permiti e bagamunderianan cu a tuma y ainda ta tumando lugar door di Mike Eman.

Y AINDA FALTA, pasobra e jaarrekening 2012 y e begroting 2014 mester wordo trata ainda.

Sr. Herde mester stop di defende unicamente e interes di e gobierno mediocre aki, y dedica mas tempo y atencion pa eherce su trabao como parlamentario debidamente, y controla e gobernacion di AVP di un forma transparente, honesto y husto, y rechaza e gastonan exorbitante cu a tuma lugar desde inicio di e gobernacion di Mike Eman. Sr. Herde, no ta oposicion ta exihi pa gobierno gasta mas. Ta bo partido a priminti di no tuma medida a sabiendas cu e debe di Aruba ta halto y a keda aumenta.

"Put your money where your mouth is", y defende e interes di nos pueblo, pasobra no lubida cu "big brother" Hulanda "is watching you". Y Hulanda, boso gran amigo, no lo permiti hungamento cu cifranan manera a bin ta tuma lugar y obviamente minister JDY kier continua haci, si analiza e begroting 2014 bon.

Dr.Alex Schwengle e burdugo di deporte

Deporte na Aruba den sufrimento. Tur skina nos muchanan ta cana bende rifa, bingo y pidiendo plaka pa por practica nan deporte. Minister Schwengle na inicio a muestra di lo rescata deporte corrigiendo e fiestamento y djodjamento cu tabata tin cu e gang di Visser. Despues di a duna Schwengle 7 luna como beneficio di dudapawaak si e por werk su mes in y cuminsa trese cambio nos por a ripara cu nada un cambia. Cabouter nan di Visser a keda na timon y un Schwengle terco castigando nos atletanan formalmente. Pueblo por nota e maneho aki cu su propio wowo. No ta pasa un dia cu bo ta topa atletanan di diferente deporte para na pump di gasoline of na supermercado of na skina di caminda bendiendo pueblo rifa pa nan por sea practica nan deporte of biaha pa representa nan pais. Esakita sin conta multiple cartanan cu comercio ta ricibi a base diario pa un sosten. Schwengle a manda opdracht pa corta 20% den plaka di Subsidie atracando asina e caha di deporte. Dicon Schwengle no por para manera un homber



den ministerraad y puntra dicon tabata tin mester di dos minister extra cu ta costa pueblo 10 miyon pa aña? Tabata tin un Bon trabow toch cu 7 minister? Desgraciadamente Schwengle tambe ta mira su saco promer y ta doet als zijn nyes bloed. No tin un plan y no tin un maneho pa nos deportistanan. Deporte di Aruba awor mester purba draai cu 20% menos. Docter Schwengle Bo lo bay den historia replasando Visser como e BURDUGO den deporte. Nos atletanan

den tur rango a spera mucho mihor di bo. Lamentablemente Bo inteligencia No ta pa deporte. Mihor cos bo por hasi ta dedica Bo mes na lokual Bo a studia pe. Nos ta sigur cu eynan Bo por hasi un diferencia y juda pueblo. Pueblo lo sa di apreciabo hasiendo esey. Actualmente bo ta castigando Bo propio hendenan. Atletanan den sufrimento pa un maneho fofu. Deporte merese mihor!!!

Bruid a wordo maltrata dia di su casamento

Asistencia di Polis a wordo pidi diabierna pa 1:48, na Don Bosco Club pa un pelea. Tabata tin un aglomeracion di hende, cu tabata discuti cu otro. Polisnan a bay cerca e grupo y nan a musta Polis e bringadornan cu a keda desconoci. Segun nan declaracion, tabata tin un fiesta di casamento y e bruid mes a busca problema. A resulta cu e fiesta a caba y e personal di Don Bosco a bin haci e lugar limpi. Door di esey, e huespednan a wordo bisa pa nan sali pafor y door di esey, algun hende a pega discusion cu e trahadornan. A surgi un pelea den cual e homber A. a dal e bruid den su cara. E dos hombernan cu tabata na e sitio a declara lo contrario. Como cu mayoria di e hendenan tabata bao di influencia di alcohol, polis a mandanan for di e sitio pa trece tranquilidad. Polisnan a mandanan for di e sitio. E pareha a wordo conseha pa nan bay Recherche pa duna keho.

Homber a bay sin paga sigaria

Asistencia di Polis a wordo pidi diabierna pa 5.23 na Wong Sheung Wong Bar & Restaurant, pa un ladronia. Na e sitio a resulta cu ta na e bar La Vie, nan tabata tin mester di asistencia. Polis a papia cu e homber G.A. kende a bisa cu e conocido homber G.B. a drenta den e lugar pa compra un paki di sigaria. G.A. a bisa cu normal e no ta bende sigaria na paki, pero detaya cu ta costa dos florin pa uno, pero G.A. a bende G.B. un paki di Marlboro cu 24 sigaria. Tambe G.A. a declara cu G.B. tabata brutal contra dje y a cuminsa papia cun'e y a cana sali for di e bar sin paga. Polis a tuma e keho.



5 Shopping di Spree! 2000

na Renaissance Mall

Cumpra Afl 20,- na producto di marca **PANTENE**, **HERBAL ESSENCES**, **OLAY** of **SECRET** na supermercado y/of botica participante.

Bira un (1) di e cinco (5) ganador cu lo bay riba un **Shopping Spree di Afl 2000** of diez (10) beauty kit.

Scirbi datos personal patras di recibo original cu descripcion di e marca pa por ta valido pa participa.

Ultimo dia pa participa ta Juni 20, 2014. Ganador ta wordo saca 27 juni, 2014. Number ganador riba recibo mester ta mayor di edad y mester ta disponibel pa bin reclama e premio na Renaissance Mall Diasabra 28 Juni pa 11 am. (Den caso di no por ta presente, no presenta of ta menor di edad, Compra N.V.tin e derecho pa saca un otro ganador.





PANTENE
CLINICALLY PROVEN HEALTHIER HAIR WITH EVERY WASH



OLAY




Secret

Compra

Na Zeewijk:

Homber bao un of otro substancia a kita full sunu



Diadomingo merdia polis di San Nicolas a bay Zeewijk. Banda di tubonan, esta panort di caminda nan a haya un homber completamente sunu. E homber tabata haci yen di cos straño y

rato rato e tabata lora abao y hari. Pa nan seguridad y di e homber a pidi transportwagen mesora. Esaki a yega basta liher tambe. Dos agente a trece un short y t-shirt pa e bisti.

Husticia na Belgica a manda imagennan pa tur medio di comunicacion

Esey ta yudanan pone man riba e autor di e masacre na Bruselas

Diadomingo den oranan local di atardi na Belgica, Husticia a dicidi di parti imagennan capta for di camaranan di seguridad di e tirado cu ta wordo busca pa Husticia, pa asina e pueblo completo por ta na altura y coopera cu autoridad pa asina nan logra haya identifica ken e autor di e massacre aki ta y pa asina pone man mas liher posibel riba dje. E persona cu ta wordo busca pa husticia ta responsabel pa morto di 4 persona, el'a tiranan dilanti di e Museo di Hudiu na Bruselas. Polis ta partiendo imagenan filma y capta di e autor di e masacre, riba un di e potretnan por mira e arma cu e asesino a usa pa likida e 4 victimanan. Polis a duna descripcion di e homber: e tin un postura normal, e ta mustra un poco atletico, e tabata bisti cu un petchi color scur y su paña ariba tabata blauw cla, e tabata tin un carson y zapato scur bisti. E homber tabata tin dos tas cune, te caminda cu polis a divulga despues di e masacre e homber a huy na pia. Tres persona a muri mesora na e sitio, ta trata di un pareha turista di Israel y un dama Frances, e di cuater victima a fayece diadomingo cual ta un persona cu tabata traha como parttimer na e Museo. E tirador aparentemente tabata mik y tira su victimanan den cabez.

Segun Ministerio Publico di Belgica, nan ta supone cu e asesino a actua su so y tabata bon prepara y arma. Husticia no por



conclui niun motibo ainda, e por ta trata di un acto terrorista of un atentado antisemita. Polis a pidi medianan di comunicacion, pa no publica niun rumor, pasobra no ta tur miembro di famia ta na

altura ainda cu nan ser keri a fayece. E caso aki ta bao investigacion y tin vigilancia estricto tur caminda; polis na Belgica ta riba un alerta y ta spera cu pronto lo pone man riba e asesino aki.

Glenbert Croes mester sigui e ehempel di SABA riba e tema di naturalizacion:

MESTER POR PASA EXAMEN NA PAPIAMENTO OF HULANDES PA HAYA NACIONALIDAD HULANDES

Aruba tin dos idioma oficial: Papiamento y Hulandes

Referente e bishita cu e Delegacion di Aruba na Saba riba temanan di nos Medio Ambiente e tabata importante di por a comparti experiencianan riba otro temanan cu Gobierno di Saba tambe. E Delegacion di Aruba tabata tin e oportunidad di reuni no solamente cu e Director di e Marine Park di Saba, sr. Kye Wolf pero pa nos tabata hopi importante di por a reuni cu Gobernador di Saba e honorable, sr. Jonathan Johnson, e Comissioner Bruce Zager y tambe e legendario luchador di Saba, sr. Will Johnson tambe gran amigo di nos Libertador Betico Croes. Alavez saluda un gran amigo di semper di Aruba e ex - Parlamentario, sr. Ray Hassel.

E les grandi cu nos a trece di e bishita na Saba ta lo siguiente: Un Ciudadano di Saba cu tin derecho na haya su nacionalidad Hulandes por pasa su examen na Hulandes, Ingles y probablemente



tambe Spaño. E hecho aki a sorprende e Delegacion di Aruba enormemente paso na Aruba a informa e Comunidad di Ciudadanonan stranhero cu ta exigencia di Hulanda e tabata ta pa exige e Hulandes pa pasa examen pa haya nacionalidad Hulandes. E ehempel di Saba ta contundente cu por pasa e examen pa nacionalidad

Hulandes den otro idioma cu no ta Hulandes. Ainda mas fundamentalmente den e discusion aki ta lo siguiente cu ta e esencia fundamental di e posicion di MEP: ARUBA TIN DOS IDIOMA OFICIAL 1. PAPIAMENTO Y 2. HULANDES. POSICION DI MEPTA: NA ARUBA PA HAYA NACIONALIDAD HULANDES MESTER POR PASA EXAMEN

NA PAPIAMENTO OF HULANDES. NO POR EXISTI DISCUSION MAS RIBA E TEMA AKI Y PARTIDO MEP TA BAY LUCHA E POSICION FUNDAMENTAL AKI AWOR CU TIN UN DELEGACION DI MEPTA SALI PA HULANDA PA E REUNIONAN ENTRE E PARLAMENTONAN DI PAISAN DEN REINO HULANDES.

E siman cu ta habri aki lo tin un reunion publico pa adopta e temanan cu lo mester wordo trata den e Conferencia na Hulanda, y envista di e ehempel contundente di Saba Partido MEP ta bay trece e punto aki dilanti pa a base di un posicion di principio Pais Aruba atraves di e Parlamento di Aruba exige e respet y aprobacion di Hulanda pa corigir e situacion aki pa tur ciudadano di Aruba cu tin derecho pa haya nacionalidad Hulandes. MEP respetuosamente ta exige Hulanda reconozca cu Aruba tin dos idioma oficial y pesey ta pidi pa aproba pa e examen na Aruba por wordo pasa den dos idioma.

Nos a termina e bishita na Saba den un forma particual cu ta resalta e hermandad entre Saba cu Aruba ora e Delegacion di Aruba a bishita e caya na Saba cu ta carga e nomber di nos Libertador: Gilbert F. Betico Croes Street.

3

SMART TV
+ 30 caha di Pringles

Countdown pa final di World Cup 2014 riba bo SMART TV 46"

Cumpra tres (3) bleki di Pringles (4.6 oz of mas grandi)

Scirbi nomber, adres y telefon riba e parti patras di e recibo cu descripcion di producto y participa pa anota un (1) di e 33 premio di Pringles.

Deposita na supermercado cu ballot box di campaña of na Compra N.V.

Ultimo dia pa participa ta Juni 23, 2014

Compra

SAN NICOLAS DESERVES BETTER, MIKE EMAN & MIKE DE MEZA!!!

"Ami ta considera mi mes un ciudadano orguyoso di por ta biba Pariba di Brug y mi ta convenci cu tur ciudadanonan di Pariba di Brug ta pensa mescos cumi. Pero biba Pariba di Brug tin su retonan, pasobra cu awa na wowo nos ta ripara con inversion grandi ta tuma lugar na Playa y vecindario, mientras cu San Nicolas ta desangra y ta wordo negligisha completamente. Nos parti di e dushi pais Aruba ta convirtiendo poco poco den un "ghost-town" Y AINDA FALTA.

E gobierno ta haci tur sorto di promesa cu lo bay inverti mas placa na San Nicolas, pero mi a lanza ya caba den pasado e pregunta si e inversion - y lo mi kere ora mi waak esaki tuma lugar - lo bay trece un aumento di cupo di trabao permanente. Mi ta duda, si mi ripara ta ki sorto di proyecto e gobierno tin pa San Nicolas.

Durante mi recoridonan den e barionan di Brazil y San Nicolas mi ta wordo confronta cu e proyecto di "embeyecimiento" di Pastoor Hendrik straat. Ya pa algun tempo ta kibra trottoir asfalta (cu segun ami ta den bon condicion) y ta buta klinkers. Awor aki



e grupo ta den vecindario di ImSan. Obviamente e partido na mando lo gaba cu e proyecto aki, pero ami tin mi dudanan. Klinkers ta rekeri un mantencion continuo y ya caba por ripara cu e parti di e caminda cu a keda finaliza banda di e oficina di ELMAR, tin yerba a cuminsa acumula. Kende lo wordo encarga cu e mantencion di e caya?

Ta start cu proyecto, pero no tin un follow-up pa mantene e cayan den un bon condicion. Un ehempel di esaki ta e caya Brandarisweg banda di Juana Morto complex, e lugar cu Mike Eman ta utiliza como "show case" pa muestra con bon su gobierno ta trata e habitantenan di e

complex aki y na unda tur dignatario y hasta Reina Beatrix a bin bishita.

Aki nos por constata cu a traha un caya full na klinkers, mientras cu lo por tin alrededor di 5 cas habita, y e condicion di e caya ta lagando hopi di desea. Ken a laga hasi e inversion aki mi no sa, pero no a percura pa un mantencion continuo, manera e potretnan ta indica.

Please Mike and Betta Mike, no hunga cu sentimento di e pueblo di Pariba di Brug. "San Nicolas deserves better and it is about time" cu boso cumpli cu loke boso a priminti durante dos campaña electoral caba.

Golfkart haya den rooi tras di Gold Coast

Asistencia di Polis a wordo pidi diabierna pa 9:55, na Gold Coast unda e guardianan a haya un golfkart. E guardia a bisa cu un dia prome entre 15:00 y 23:00, un grupo di mucha homber tabata hunga riba e tereno y mas o menos 23:00, nan a mira e golfkart den e rooi tras di Gold Coast. Como cu e tabata scur, nan no a bay sak'e afor. Mainta pa 7:00, ora cu nan a saca e golfkart, a resulta cu door cu el'a keda henter anochi cendi, e bacteria a kima. E persona encarga no tabata eynan pa duna keho.

Turistanan no kier paga taxista

Asistencia di Polis a wordo pidi diabierna pa 12:15, na Riu Palace pa un intermediacion. E taxista R.E.F. a bisa cu un rato prome, e mester a trece algun turista na Holiday Inn, pero e muchanan a drenta cu paña muha den e taxi. F. a splica e turistanan cu no ta permiti pa drenta den taxi cu paña muha y nan mester paga 50 dollar. E turista no tabata di acuerdo y a paga solamente 30 dollar. F. a tuma e placa y a sigui. Despues Polisnan mes a dicidi di hiba e turistanan pa Holiday Inn.

Masacre na Bruselas, Belgica, posiblemente por ta trata di un atentado antisemita



Diasabra atardi algo prome cu 4'or ora local di Belgica, na Bruselas, pa ser exacto den Miniemenstraat, dilanti di e Museo di Hudiu un Audi a para dilanti di e museo y un homber arma a baha for di e auto y a cuminsa basha bala, riba varios persona cu tabata e momento ey dilanti di e muse. Tres persona a fayece mesora na e sitio; dos dama y un cabayero. Un otro cabayero a wordo transporta den un situacion basta critico pa hospital y ta teme pa su bida. Durante e tiramento chauffeur di e auto a baha y a pone dos saco riba vloer y a sigui bay. Segun e Ministro encarga cu Asuntonan Exterior di Belgica, sr. Reynders, e ta sospecha cu por ta trata di un atentado antisemita, mirando e localidad unda esaki a tuma lugar, dilanti di e Museo

di Hudiu. Polis a detene un sospechoso, cu tabata na e sitio na e momento cu e tiramento a tuma lugar. Aparentemente ta trata di chauffeur di e Audi, pero kico e tin di haber cu esaki ta wordo investiga actualmente. E autor di e atentado aki ainda ta den libertad, via camara di seguridad nan ta buscando e mihor imagen y descripcion di e persona pa asina mande den publicidad y logra haya pone man riba dje. E motibo di e autor di e masacre aki no ta conoci, pero pa precaucion a pone extra vigilancia na tur edificio di hudianan. den e caya unda e Museo ta ubica a keda hermeticamente cera, pa autoridad hacinan investigacion, mientras 12 persona cu a keda den shock, a wordo atendi na e sitio.

Glenbert Croes na regreso di St. Maarten:**ENERGIA SOSTENIBEL MESTER BAHÁ PRIJS DI AWA Y CORIENTE PA PUEBLO Y NO HACI'E MAS CARO****COMERCIO SOSTENIBEL MESTER GENERA TRABAO PA PUEBLO**

E Conferencia na St Maarten riba Comercio Sostenibel cu un acento grandi riba Energia Sostenible a conclui. Posicion di MEP riba e temanan aki ta lo siguiente: ENERGIA SOSTENIBEL MESTER BAHÁ PRIJS DI AWA Y CORIENTE PA PUEBLO Y NO HACI'E MAS CARO Y COMERCIO SOSTENIBEL MESTER GENERA TRABAO PA PUEBLO.

Nos a keda impresiona con e acento di e presentacion di e Director di TNO pa Caribe sr. Jan Ebbing cu ta resalta cu den un Vision pa Desaroya un Politica Nacional pa Energia Sostenibel ta e aspecto cu e mester ta: "AFFORDABLE". E posicion di MEP ta resalta exactamente e aspecto ey y durante e bishita cu un delegacion di Fraccion di MEP a haci na TNO na Aruba a comunica na sr. Ebbing riba e necesidad pa tene cuenta cu e social-economishe draagbaarheid di e Pueblo di Aruba: PUEBLO MESTER POR PAGA PA

ENERGIA SOSTENIBEL; ENERGIA SOSTENIBEL MESTER POR BAHÁ E PRIJS DI CORIENTE Y AWA PA PUEBLO.

Alavez den e aspecto di Comercio Sostenibel nos a keda sumamente impresiona pa e presentacion di sr. Hans Verhulst di CBI (www.cbi.eu) di Ministerio di Relacionnan Exterior di Hulanda unda cu nan a resalta: E companianan Europeo no mester di nos Islanan pa haci negoshi na Latino America, pero e companianan Latino Americano si mester di nos Islanan pa haci negoshi cu Europa. Nan no ta kere den Europe meets America sino den 'America meets Europe'. Nos a keda sumamente impresiona cu e vision aki y a conversa cu sr. Verhulst di CBI pa asina awor cu e Delegacion di MEP cu lo participa na e conferencia di Parlamentonan di Reino na Hulanda reuni cu nan pa asina concreta un vision cu genera resultado berdadero pa economia di Aruba pero



hopi importante: CU E VISION PA E GENERA TRABAO PA NOS PUEBLO Y PROGRESO BERDADERO PA NOS PUEBLO: LATIN AMERICA MEETS EUROPE IN ARUBA.

Mi kier resalta e integridad y seriedad cu cual e Delegacion di Aruba a hasi su trabao na St Maarten y Saba cu lo mester causa reflexion y presion positivo riba nos tur: TIN MAS BENEFICIO PA ARUBA Y NOS PUEBLO SI NOS PARA

PATRIOTICAMENTE HUNTO PA DEFENDE NOS PUEBLO, PERO LO TIN DEROTA GRANDI SI NOS BIRA LOMBA PA LOKE TA BERDADERAMENTE DEN E INTERES GENUINO DI NOS PUEBLO Y NOS PATRIA. SER ARUBIANO NA PROME LUGAR SEMPER Y DEFENDE E CAUSA DI NOS PUEBLO CU HONOR, DIGNIDAD Y CU FERVOR PERSISTENTE, ASINA ARUBA TA VENCE.

Restaurant y fastfood cera pa incumplimento cu permiso

Polisnan di district di Santa Cruz, diabierna 15.45 a tene control den Jumbo Bar y Restaurant, hunto cu Departamento di Salubridad. E control ta encera permit, kaarchi berde y tambe higiena den e lugar. Polisnan a cera e lugar pa higiena pa 24 ora bao instruccion di Departamento di Salubridad. Tambe nan a haya un boet como cu no tabatin kaarchi berde. Tambe diabierna 12.20, a controla na Mc. Donald pa higiena y kaarchi berde. E higiena tabata na ordo, pero e kaarchi berde no. E lugar a keda cera y a haya un boet.

Cabritonan ta come mata y laga sushi atras

Asistencia di Polis a wordo pidi diabierna pa 8:25, na un cas na Sabana Liber pa problema cu cabrito. E habitante a bisa Polisnan cu dos cabrito a drenta den nan cura y a come algun mata. Tambe e habitante a bisa cu el'a mira sushi di e cabritonan. A resulta cu e cura no ta cera dilanti. Polisnan no a haya cabrito na e lugar, pero a bisa e habitante si nan bolbe, pa yama Santa Rosa.

MESTER DI PLACA?

EMPEÑA Y CUMpra ORO




PASA Y COMPROBA PA BO MES!



JUWELENHUISJE

ORARIO 10AM - 6PM DIALUNA TE DIABIerna



Mary Joan Foundation a reconoce Sandra Croes y Lionel Croes pa nan colaboracion di cinco aña consecutivo como MC

Alavez Viva La Donna Day a dedica e dia aki na zuster Marval cu a traha pa hopi aña na Mamma Poli



Diarazon ultimo a tuma lugar e di 7 edicion di Viva La Donna Day, un actividad di Mary Joan Breast Cancer Foundation unda cu durante henter dia e pacientenan di cancer a wordo consenti den e diferente Beauty Salon y Spa rond di Aruba, cu a participa. E dia a culmina cu un bunita

show den Renaissance Convention Center unda e pacientenan por a disfruta di un tremendo show cu sorpresanan manera e cantante Boy Thode di Corsou cu a duna un bunita presentacion, e duo di Nilka Franca y Rachel Kraaivanger, baile di grupo FE y Speranza cu ta forma di e pacientenan mes,



declamacion di poesia y por ultimo Jerrino Bass Ridderstap hunto cu banda D'liscious kende a cera e anochi aki. Viva La Donna Day 2014 a wordo dedica

na zuster Marval kende a traha durante hopi aña na mamma poli. Tambe fundacion a reconoce Sandra Croes y Lionel Croes pa nan colaboracion

5 aña consecutivo como MC –nan di e actividad aki na un manera unico. Danki ta bay na un y tur cu a haci Viva La Donna Day 2014 uno inolvidabel.

Anochi Informativo Info Night

URGENTE

FECHA DIAMARS 27 DI MEI 2014
LUGAR CEDE DI MEP SANTA CRUZ
ORA 7.30 PM 9.30 PM


TOPICO 100 MIYON FLORIN NA MEDIDA DEN 2014

Campeonato HEINEKEN Femenino di Aruba Softball Bond a continua

Jaguars Nesbitt ta propina Aruba Bank Lady Tigers su di dos derota consecutivo

Campeonato Heineken Femenino di Aruba Softball Bond a continua diabierna ultimo riba veldnan nobo na Pos Chiquito. Den un showdown di e dos equiponan na promer y di dos lugar esta Aruba Bank Lady Tigers y Jaguars Nesbitt anticipando playoff final e equipo di Rayborn Didder esta Jaguars a propina Aruba Bank Lady Tigers su di dos derota consecutivo. E dos equiponan aki a topa otro pa di 4 biaha esta e di 4 vuelta y aki Jaguars a muestra superior tanto den bateo y den fildeo y ta muestra cu playoff final cual lo inicia den Juni lo bay ta uno hopi interesante. Kathleen Koolman ta resulta pitcher ganador y ta ricibi relevo di Melissa Daniel den di 4 inning kende ta wordo releva tambe den mesun inning pa Ludmila Geerman. Di otro banda Riangela Flanegin a cuminsa e wega pa Aruba Bank Lady Tigers

y tabata muestra un bon velocidad sin embargo no por a bin cla cu su control. Riangela ta resulta pitcher perdedor ricibiendo relevo di Rudlyn Ras den promer inning. Jaguars Nesbitt 16 careda, 10 hit, 3 error. Aruba Bank 8 careda, 7 hit, 5 error. Mihor bateadornan pa Jaguars tabata Iliandra Figaroa, Jenysella Tromp ambos di 3-2, Cathleen Geerman 4-2, Ludmila Geerman y Melissa Daniel y Kathleen Koolman tur di 2-1. Pa Aruba Bank Lady Tigers a destaca na plato den causa perdi Genilee Thiel 3-2, Carianne Brete 2-1, Francesca Diaz, Riangela Flanegin, Rudlyn Ras y Nikkaela Jacobs tur di 3-1. Campeonato Femenino drentando su recta final y fanaticada keda pendiente pa weganan di playoff cu lo inicia den luna di Juni. Fastpitch a la carga.



Mireille Sint Jago di MEP:

Mike 'Don Quijote' Eman ta bringa cu molinanan

Nos Gobierno, mas specifico, nos Minister President Mike Eman, ta bin cu solucionnan inutil cu ta hasta ta pone e futuro di nos pais na peliger. Mike Eman tin un pasion: Boy Toys. E ta gusta Tram y Molina. Bao di e titulo cu e kier haci Aruba e pais mas sostenibel na mundo, Mike

Eman ta crea un situacion masha peligroso pa pais Aruba, door di cambia e fluho di electricidad pa uno desconfiabel. Asina e cantidad di black-out na Aruba lo subi di 4 pa aña pa 4 pa siman. E molinanan aki, no ta bay baha e gastonan di electricidad pa pueblo y

comerciantenan di Aruba, ni trece mas cupo di trabao. Hasta e skyline Alto Vista, un di e lugarnan mas bishita door di nos turistanan na Aruba, lo wordo dañá danki na Mike Eman.

Ta p'esey mi ta puntra mi mes, lo ta posibel cu Mike



Eman a perde tur razon? Cu tur e poder cu el'a haya a lague bira mescos cu e caricatura di e buki skirbi door di Miguel de Cervantes na aña 1547: 'Don Quijote de la Mancha?'

Mike Eman ta parce e famoso Don Quijote aki, cu tabata haya visionnan cu e molinanan tabata gigante cu e mester a bringa. Mi no sa kico Mike Eman y e autor Erik Zwart, tabata visualiza den e buki: 'Vision, pasion y curashi.' Awor, ni 4 luna despues cu e buki a wordo lanza na Januari 2014, e berdad a surgi. Don Quijote su vision tabata Molina. Awor nos Minister President tambe tin esey como vision. Pero mas y mas e ta bira un halucinacion. E molinanan no ta bay ta e solucion pa drecha e tres prioridadnan cu un Bon Gobierno di Aruba mester tin: 1) Crea Mas Cupo di Trabou, 2) Cambia Gobierno pa uno cu ta BAHÁ nos DEBE Nacional, 3) Mehora cuido di salud publico.

Si Mike Eman en berdad tabata un homber cu vision, pasion y curashi, e lo a traha pa hiba henter pueblo di Aruba bay dilanti den e prome cuater aña di Gabinete Mike Eman I, envez di traha pa engrandece su nomber y

crea un eulogia bunita pa su mes. Si Mike Eman en berdad tabata un homber cu pasion, Mike Eman lo mester a aloca placa pa traha school na Noord, pa laga Westin kedá habri y pa crea mas cupo di trabao. Pa crea un presupuesto balanza envez di causa cu Aruba awor ta bao di curatela!! Pa prome biaha den historia di Pais Aruba, nos ta bao di curatela. Tur cos cu e mester a haci, e no a haci. Mike Eman ta simplemente un homber cu a usa placa di pueblo pa Boy Toys manera tram, molinanan, pal'i luz, bus electronico y hasta un boto di zero emision.

Mi no ta kere cu lo tin co'y hari ora cu nos lesa e pida di historia di Aruba, aki un paar di aña. Ban wak si e mesun coordinador y autor René Zwart, eindredacteur di e Glossy Magazine 'Aruba Dushi Tera', lo ta dispuesto pa skirbi e buki.

'Mike Eman: Halucinacion y obsesion di un Don Quijote'. Lo resta pueblo di Aruba nada otro cu tuma e puesto bek di Mike Eman, pa Aruba ta salba.

Pa TUR trabao di verf cas,
edificio of negoshi y na un
BON prijs
Yama 7403140

D'-LICIOUS Live
3 YRS CELEBRATION

D'-LICIOUS LIVE GIO FUERTISIMO
at "O" RESTAURANT EX MR JAZZ
FRIDAY 30 MEI 2014

TICKETS: GENERAL V.I.P. FL.35,=
X-CLUSIVE V.I.P. FL.75,=

AVAILABLE @ TOP FM + ARUBA RIBA @ HOFFIE CHONA
VALERO BLVRD + RUIZ TAKE AWAY
BENNY'S EX PROMENADE SN
PIET SUPER TRUCK
DOORS OPEN 10PM


SOLO Local.....

Campeonato HEINEKEN femenino di Aruba Softball Bond a continua

Aruba Bank Lady Tigers a blackout Tanki Leendert Girls

Campeonato HEINEKEN femenino di Aruba Softball Bond dedica na Irena Balijn a continua diadomingo ultimo riba veldnan nobo na Pos Chiquito. Aruba Bank Lady Tigers ta baha furioso despues di un derota diabierna anterior y ta saca tur e gasto riba Tankileendert Girls. Pa 11:30am di mainta Aruba Bank a subi tereno pero por a nota nan cara cu un determinacion sin igual. Rudlyn Ras a lansa un no hit no run unda solamente 1 bateador a logra subi base riba un error. Aruba Bank Lady Tigers 15 careda, 7 hit, 1 error. Tankileendert Girls 0 careda, 0 hit, 5 error. Mihor bateadornan pa Aruba Bank Lady Tigers a resulta Riangela Flanegin di 3-3, Jennifer Chirino y Carianne Brete ambos di 3-2. Aruba Bank ta

termina su ultimo buelta y ta clasifica solido na promer lugar cu 10 gana y 2 derota. Otro siman lo mester complementa algun wega di e otro equiponan pa asina playoff final por ranca sali den Juni. Softball fastpitch a la carga.



TRAPPERS CLUB

- Fiesta, reunion, ricibimento, bruid, fiesta grandi o chikito.
- Workshop, reunion, reunion deportivo, encuentronan di iglesia.
- Area openlucht ta acomoda 1000 persona
- 2 Sala airco cu ta acomoda te cu 400 persona
- Area openlucht cu stage, pa festival, iglesia, fiesta familiar
- Remodel'a Situa pariba di Botica Central, pabao di veld di Rockets @ Sta Cruz 739-0101 / 748-8280

Ta haci tur trabao
Ta haci trabao di metsla-
carpinte- verf- plumbing-
drecha dak- plafond-
welder- coriente- kap
mata- haci cura limpi.
Yama 563-8188/585-1147

Ta bende

un mesa di biljard
hopi bon condicion
pa inf yama 5610148
/ 5673062

Solo Local.....

Un Dama di 99 aña ta haya su diploma di College

Despues di 75 aña un dama di 99 aña ta haya su diploma, Jessie White a caba su college na aña 1939, pero no por a ricibi su diploma pa via di un cuenta di school habri di 5 dollar. Recientemente

Jessie a conta su amiga loke a pase cu e la caba su school pero nunca por a ricibi su diploma paso e debe 5 dollar. E amiga na su turno a tuma contacto cu e Director di Beal College na Main, unda

antes Jessie White tabata studia. E director a dicidi di paga e resto di placa y ela invita Jessie pa un entregamento special di Diploma, cual tabata un sorpresa grandi pa Jessie White. Segun Jessie ela

pasa masha bon mes y cu Educacion ta hopi importante pe paso tur dia e ta purba siña algo, tambe ela remarka cu Educacion ta algo hopi importante pe y cu sin e diploma su bida no tabata completo.



HEMELVAARTSDAG FEEST

LADIES NIGHT

Zeta Band, Tsts Band, Dj Alvin

CLUB TRAPPERS
FULL AIRCO
 Y SECURITY PA CUIDA BO AUTO
DOORS OPEN @ 9PM
LADIES FREE ALL NIGHT

CABALLERO TA PAGA 10 FLORIN

Misioneros de Jesus Aruba, cu tin como guia Spiritual Pastoor Daniel Zpilla di Parokia Dakota, ta haci un invitacion na e pueblo di Aruba en general pa un anochi di Asamblea Diamars 27 Mei for di 7.30 – 9.30

Lugar ta Jacinta Kleuter School. E tema di anochi aki lo ta “Kico ta Uncion” Lo haci oracion na Spirito Santo y pidi Dios den nomber di Cristo Hesus pa derama doble porcion di Spirito Santo riba cada un presente. Ezekiel 36,27a Lo Mi drama mi spirito den boso. 28b Boso lo ta mi pueblo y Ami, boso Dios.

Dios sigui bendiciona su empresanan ricamente.

Un fabuloso apertura di Campeonato HEINEKEN masculino di Aruba Softball Bond

Diabierna ultimo tabata tin apertura di Campeonato masculino di Aruba Softball Bond tanto di A-Klas como AA. Un apertura colorido y fabuloso. MC Sandra Croes a inicia yamando un bon bini na tur invitadonan y sigur na baluartenan Andresito Krozendijk y Bertrando Bal Delaney na kendenan a dedica e Campeonato aki. Despues cada equipo a wordo yama y a desfila dilanti invitadonan pasa homeplate pasa primera

base y a bay para den cuadra. Un bunita show. Cuerpo di scorers y umpires tambe a desfila. A pidi atencion di himno di Aruba mientras Presidente di ASB despues a hiba un speech a la maravilla. A bay over na homenahea e dos baluartenan kendenan tabata acompaña pa nan familiarnan. Jorge Jean Franco Wouters un atleta di apenas 21 aña kende a conquista e titulo di "Best Infielder" durante Campeonato


clasificatorio cu a tuma lugar recientemente na Cali Colombia a ricibi su plakkaat. E premio aki ta uno historico y di gran balor pa softball di Aruba. Miembro di directiva Shailiny Tromp Lee a bay cu e madrinan di cada equipo cu tabata presente pa haci nan diferente pregunta alrespecto softball y finalmente a eligi madrina di di aña 2014 kende a resulta di ta srta. Jeritza Ras di Montaña Braves.

Despues a bay over na lanzamiento di promer bala unda Bertrando Bal Delaney a fungi como pitcher recordando su temponan di Gloria riba monticulo y Andresito Krozendijk kende a dedica su bida na deporte tabata bateador cu Inchomar Flanegin como catcher y Eddy Rosa "cana cumi" como umpire. Despues di a lansa e promer bala Campeonato 2014 a keda oficialmente inaugura unda equipo campeon 2013 Mariner a topa Pizza Hut Monster cual resultado lo wordo publica mas despues. Mester remarca cu Minister di Deporte Alex Schwengle apesar di a ricibi un invitacion cu hopi anticipacion a briya cu su ausencia ni tampoco a manda un representante. Sinembargo ex-minister di deporte sr. Ramon Lee kende bao di su maneho y vision a inicia e construccion di e bunita parke aki esta veldnan nobo na Pos Chiquito



si tabata sinta den e masa den tribune. Ta comprendibel cu kizas Dr. Schwengle por tabata hopi ocupa. Finalmente por mira atras riba un bunita y colorido apertura. Bunita pa mira e parke na Pos Chiquito bon bishita unda riba ambos cancha tabata tin wega esta masculino riba tereno grandi y femenino Jaguars y Aruba

Bank hungando riba e tereno banda di pabao. Pabien na henter directiva di Aruba Softball Bond cu a traha duro ultimo siman pa cu e apertura aki. Danki tambe na tur cu a aporta sea directamente of indirectamente. Deporte Softball ta sali benificia. Danki y Exito na tur equipo.



SOLO Deporte.....

Nan a keda sumamente impresiona

Miembronan di Prensa Mericano a disfruta di e hospitalidad di Radisson

Diezun top periodista for di Merca a bendiciona e isla cu nan presencia recientemente. Nan a inclui escritornan for di revistanan manera Maxim, Private Air Luxury Homes, O - Oprah's Magazine, Canadian Family, Women's Adventure, Men's Journal y Lee Abbamonte, kende ta e Mericano mas hoben pa bishita tur pais na mundo.

E grupo a disfruta di actividadnan unico manera haci ehercicio riba e playa hunto cu Gerente General Mark Frances riba diasabra mainta, sigui pa un sesion di stand-up paddleboard y un corido riba bicicleta pa Arashi Beach. E mesun dia aki, e resort tambe a ofrece un fiesta di lunch na Sunset Grille Restaurant y un fiesta di despedida cu tema Carnavalesco riba

e playa, riba diadomingo, cu un brass band y bailarinanan di Carnaval, culminando cu un show di candela.

E miembronan di prensa tabata di acuerdo cu nan parti preferi di nan viahe pa Aruba tabata nan bishita pa Larimar spa, unda nan a aprecia un liña nobo di producto prestigioso, y tratamiento,

di e marca mundialmente renombra di ESPA, traha cu ingredientenan completamente natural. Mayoria di nan tambe a bishita The Casino na Radisson, of a relaha banda di e piscina y riba e playa dilanti e hotel, entre nan tournan di e isla y bishitanan pa Parke Nacional Arikok, e Fabrica di Aruba Aloe, y De Palm Island, entre tur e luganan

interesante.

Pa por produci e fin di siman largo y dibertido na Aruba, e resort a traha hunto cu e Aruba Tourism Authority y e Aruba Convention Bureau, exitosamente exponiendo e isla na e escritornan, kendenan lo promove e noticia di con special nan experiencia tabata.



AVB Menor U-15 Playoffs 2014 Schedule

DIA	FECHA	ORA	WEGA		STADION	SCORE
Saturday	3-May-14	4:00 PM	Brazil Jrs.	vs	SC United	CDGPT 0-0
Saturday	3-May-14	5:30 PM	RCA	vs	La Fama	CDGPT 1-1

Tuesday	6-May-14	7:00 PM	La Fama	vs	Brazil Jrs.	CDGPT 1-3
Wednesday	7-May-14	7:00 PM	RCA	vs	SC United	CDGPT 2-3

Saturday	17-May-14	6:30 PM	SC United	vs	La Fama	CDGPT 0-0
Saturday	17-May-14	8:00 PM	Brazil Jrs.	vs	RCA	CDGPT 0-2

Tuesday	20-May-14	6:00 PM	SC United	vs	Brazil Jrs.	CDGPT 0-0
Wednesday	21-May-14	7:00 PM	La Fama	vs	RCA	CDFF 0-3

Saturday	24-May-14	6:00 PM	Brazil Jrs.	vs	La Fama	CDGPT
Saturday	24-May-14	7:30 PM	SC United	vs	RCA	CDGPT

Tuesday	27-May-14	6:00 PM	RCA	vs	Brazil Jrs.	CDFF
Tuesday	27-May-14	7:30 PM	La Fama	vs	SC United	CDFF

"A CHAMPION IS SOMEONE WHO GETS UP WHEN THEY CAN'T." - JACK DEMPSEY

SUCCESS!!

Den caso di Westin Resort: gobierno ta sigui laga e clase trahador na caya!

Den caso di Westin Resort:
Gobierno ta sigui laga e clase trahado na caya!



Recientemente Westin Hotel, bao di e capa di a ser tuma over pa doñonan nobo, a logra un strategia di ofrece pakete na trahadornan pa termina nan relacion di trabao, y asina cuminsa cu renobacion di e hotel. Esaki comosifera cu e hotel no lo mester trahador pa traha una vez cu nan ta operacional atrobe. Segun nan propio informacion, nan lo a cera e hotel pa 10 luna y tin bisa cu mayoria trahador cu a tuma pakete a haya alrededor di 1 aña di salario. Awor, ken a tuma ken haci? Si bo por a ofrece e pakete aki (pagando 1 aña di salario), bo por a tene e trahadornan na pia di trabou (pa 10 luna) toch y asina cumpli cu ley di 'overname bedrijven', costando menos placa tambe.

Lastimamente AVP (Gobierno) no a cumpli cu nan promesa di durante campaña cu nada lo

pasa cu e trahadornan. Tambe Gobierno a laga un chens pasa bay pa pone na prueba su propio ley cu el a introduci pa wak si enberdad su ley ta ofrece e proteccion cu a keda bendi na pueblo trahador na momento di introduccion di e ley 'overname bedrijven' cu tanto a pronkia cune den prensa.

E meta di Westin, a keda cumpli. Nan a logra cu un cantidad grandi a firma pa e pakete, kedando sin trabou, perdiendo nan añanan di servicio, y dado caso nan solicita den futuro ey mes bek, esaki lo ta pa un salario stipula pa e doño nobo (casi sigur mas abao) y cu menos beneficio secundario pa e trahado.

Lamentablemente e drama no a keda te aki. Desde cu a cuminsa cu e renobacion, a keda menciona door di gobierno cu "no lo duna permiso di trabao of

extension" di esaki pa por realisa e trabaonan na dicho hotel. Un biaha mas tin cu cuestiona si esaki ta berad. Informacion ricibi ta, cu companianan di construccion y trahadornan local ta ser manda cas y ta poniendo personanan di afo cu mester di permiso pa traha. Creando asina cu nos mes hendenan of esnan cu permiso caba aki, no ta keda protehi y no tin trabao. Unda e control a keda? Unda e proteccion di nos propio trahadornan a keda? Unda proteccion pa esnan cu a bin busca un mihor futuro akinan y cu pa años ta aportando na desaroyo di nos pais a keda? Gobierno ta preveni cheap labor? Aki ta unda un gobierno sincero y un gobierno cu bienestar di trahado na pecho, lo a percura pa cos bay otro y lo a protehe e trahador contra companianan gigante multinacional. Aki ta unda gobierno por actua mesora y tene control riguroso.

Ta di spera cu gobierno dicidi y percura pa no duna ningun permiso di trabao mas na e doño nobo pa importa trahadornan di afo y cu gobierno lo garantiza cu nos trahadornan local ta esnan cu derecho pa haya trabou asina e hotel habri di nobo. Esey lo ta corecto, esey lo haci un diferencia na favor di



Protesta riba Liganan Combina ilegal cu ta pasando na Aruba den Junior Division

Riba diadomingo mainta / merdia un situacion a bini dilanti na Centro di Bario Lago Heights, conoci como Xander Bogaerts Ballpark na San Nicolas, ora cu e dos seleccionnan Center vs NAS (North and South) mester a enfrenta otro pa di 4 wega di e torneo interliga. E seleccion di Center a presenta un PROTESTA caba diasabra mainta prome cu e wega a inicia na e director di torneo. Den e protesta aki a wordo splica duidelijk cu e "mergers" league di North y South ta hungando sin autorizacion di Charter Committee di Williamsport. E DA di Aruba sr. Rudy Donata ta pretende di tin e acuerdo ey verbalmente, pero ainda ta wardando e aprobacion por escrito, manera ta stipula den e reglamentonan di 2014. Manager di Center a yega di puntra varios dia pasa caba over di e cos aki pero no a haya oido di su directiva, cu mester a trece e prueba por escrito di dicho permiso. No a keda nada otro pa entrega e protesta y sali na defensa di e muchanan di Center. Diadomingo mainta na veld e situacion a bira mas tenso ora cu e chief umpire mester a saca e manager for di wega y canta e wega pa forfeit cu tambe a bira un acto ilegal, cu a base di reglamentonan un umpire, ni Tournament Directos, ni District Administrators DO NOT HAVE THE AUTHORITY

TO DECLARE A FORFEITURE UNDER ANY CIRCUMSTANCES! E realidad di bida ta masha facil, con na Aruba tin tres liga, North, Center y South, y den Junior ta uni forza dos liga contra uno?? Esaki ta un abuso di poder cu ta sosodiendo pa añanan largo y por mira cu den pasado weganan ta caba cu score abulta den e categorianan di Junior y Senior. E aña aki e situacion a bira interesante ora cu a dicidi pa manda un protest aden cu e autorizacion di e propio DA, sr. Rhudy Donata, cu a expresa esaki dilanti varios mayor di Center. Nos tin un reglamento di Little League 2014 cu mester wordo respeta y segur e Charter Committee di Williamsport cu tin TUR autorizacion y TUR decision final pone e casonan aki straight na Aruba. Husticia semper lo prevalece! E mas logico ta cu cada liga lo mester representa nan mes un liga, dus North cu su 4 teamnan traha e mihor 14 nan pa representa nan, South League cu su 3 teamnan traha un seleccion di 14 mucha pa representa South League y Center manera ta conoci caba cu e mester a traha 14 mucha pa representa Center (5 team) su so. Nos ta spera cu lo bini un solucion pa e problematica aki dilanti pronto y cu cada liga lo representa su mes.

**PUEBLO A HAÑA SU
PEN BEK**

Pa kualkier informacion
solodipueblo@gmail.com

of
☎ 585-9500

Brazil Taekwondo Stichting su team di Train Hard Fight Smart ta activo partiendo flyers pa e fiesta di 'N Fuzion y Rincon Boys

Diabierna atardi e team di Train Hard Fight Smart a subi e cayanan di San Nicolas y Savaneta cu e meta di reparti mas hopi flyers cu ta posibel.

For di 5'or di atardi un parti di e team a para na e rotonde di San Nicolas pa parti flyers na e autonan cu pasa nan dilanti pa asina haci nan conciente cu Brazil Taekwondo Stichting su team di Train Hard Fight Smart kier pa nan contribui na e fiesta bailabel cu Brazil Taekwondo Stichting ta organisando pa recauda fondo pa e biahenan cu tin pa e mesun team di Train Hard Fight Smart. Na e pump station na Savaneta tabata tin e otro dos rumannan Lowe cu tambe tabata haciendo nan parti di duna cada auto cu bin pone gasoline nan flyer. Na e otro pump station na San Nicolas tambe tabata tin mas di e team ta parti flyers na e autonan cu a bin pa pone gasoline den nan auto. Un cos hopi sigur ta cu e team di Train Hard Fight Smart kier pa e pueblo di Aruba acudi na nan fiesta pa asina por pasa un anochi bailabel y asina contribui cu e team di Train Hard Fight Smart di Brazil Taekwondo Stichting.



Minister Dr. Alex Schwengle na apertura di Olimpiada Escolar

Ban sigui motiva nos muchanan pa sigui riba e caminda aki



Recientemente a duna inicio na Olimpiada Escolar, anto den gran forma. Anualmente studiantenan di mayoria scol tur rond di nos isla, ta mustra nan habilidad nan deportivo, nan nivel di competencia y di disciplina. Minister Dr. Alex Schwengle, encarga cu maneho di Salud Publico y Deporte, ta sostene e iniciativa aki.

E mandatario tabata presente na e evento di apertura y a enfatiza cu e desfile di tur e schoolnan cu a clasifica pa e olimpiada tabata masha bunita mes. Nan a trece e candela olimpico y e parti protocolario tambe tabata fantastico, principalmente e show presenta a cay masha na agrado di tur e invitadonan.

Pa Minister Dr. Alex Schwengle, ta importante pa hobennan participa y

demonstra nan interes den movecion, nan interes den haci deporte y di competi contra otro. E vision di Gobierno ta pa promove mas deporte, pero separa di esey, promove pa nos pueblo move mas. Den esey ta cuminsa na e muchanan caba, cu for di chikito mester adapta na un cultura nobo di movecion y di biba saludabel.

Minister Schwengle ta felicitar e participantenan den e Olimpiada Escolar 2014 y ta encurasha nan pa sigui practica deporte y haci nan best. E hobennan aki mañan lo ta esunnan cu lo saca cara di Aruba.

"P'esey ta importante pa motiva nan pa sigui riba e caminda aki, haciendo movecion y participando den e tipo di eventonan bunita manera esaki", asina e mandatario a termina bisando.



MUCHANAN A CORE NAN BICICLETA NA BUSHIRIBANA

Kids Bike Jams Session 2, hopi mucha coriendo bicicleta riba e diasabra mainta rond die ruinan di Bushiribana

Diadomingo 25 Mei 2014: E ruinan di Bushiribana tabata e lugar di concentracion pa e di dos session di Kids Bike Jams. Kids Bike Jams ta un point series di Mountain Bike specialmente disena pa muchanan entre 6 y 14 aña. Tur mucha por participa completamente gratis.

Diasabra mainta for di cuarto pa shete e actividadnan di registracion a cuminsa. Despues cu tur mucha a haya nan number di participacion, tur mucha a prepara na linea di salida pa warda riba e senal di start. Despues di 45 min e caredanan a cuminsa.

E promer careda a cuminsa pa shete or y mei cu e muchanan entre e edad di 6 y 9 aña, cu a core un distancia di 1.5KM y 3.0KM. E mayornan tabata hopi pendiente y tabata aplaudi nan yunan y tur otro mucha na momento cu nan yega final.

Cu e biento fuerte riba e mainta aki, e muchanan un tiki mas grandi, entre 10 y 14 aña a continua cu e caredanan. E muchanan grandi a core varios buelta di un circuito di 3.8KM.

E caredanan a bay hopi liher. Ya pa 9'or di mainta a parti e certificado y regalonan pa e muchanan cu a participa.

E promer dos lugarnan den cada categoria ta lo siguiente:

Kids Categoria 1 (6-7 anja)
Boys:
1st: Xylon Henriquez
2nd: Kyan Noojen

Girls:
1st: Isis Huffnagel

Kids Categoria 2 (8-9 anja)

Boys:
1st: Zane Winterdal
2nd: Ruben Moreno-Castro

Girls:
1st: Ryandra Kamperveen
2nd: Fee Plomp

Kids Categoria 3 (10-11 anja)

Boys:
1st: Justin Morales
2nd: Jeandrick Croes

Girls:
1st: Sylvianne Gonzalez
2nd: Lotje Diepgrond

Kids Categoria 4 (12-14 anja)

Boys:
1st: Kevin Henriquez
2nd: Imru Maduro

Girls:
1st: Zayra Felix

2nd: Michelle van Vliet

E organizadornan ta contento cu e participacion di tur mucha y nan mayornan. Un palabra di agradecimento na Tri Bike Aruba, Mr. Froyo's, Write Here, tur voluntario y teammates cu a juda pa haci e actividad aki possible.

E siguiente session di Kids Bike Jams ta tuma lugar dia 14 Juni 2014. Tur

mucha ta invita pa pasa inscribi na Tri Bike Aruba pa participa. No tin ningun costo di inscripcion, mayornan mester firma un formulario pa por inscribi e muchanan.

Por solicita mas informacion via email: undergroundcyclingteam2010@gmail.com of via telefoon: 5936153 (Zaida Everon).



Resultado di number:

Merdia Diasabra 24 Mei:

Catochi	Big 4
9182	2380
3858	
7690	
Zodiac	Lotto di Dia
6881 Sagitario	XXXXXXXXXX

Anochi Diasabra 24 Mei:

Catochi	Big 4
7520	1125
0266	
9588	
Zodiac	Lotto 5
6568 Tauro	15 – 03 – 17 – 09 – 32 Joker: 22 Letter: C
Lotto di dia	Corsou
29 – 30 -19 – 13 – 03	8028
	5294
	8396
Diario	Super 4
7574	6516
1430	
9482	

4 skina DIA

7492

4 Skina Cur

8886

Merdia Diadomingo 25 Mei:

Catochi	Big 4
7851	5139
1159	
0803	
Zodiac	Lotto di Dia
2827 Geminis	11 – 13 – 19 – 22 – 30
Sto Dom	
7263	
7769	
4745	



Obtenibel na Jess Lottery banda di Wema
Sta. Cruz:

Powerball y Lotto Florida

Permanent Make-Up

E solucion pa bo cejanan

- Cejasnan dañá of mal forma
- Esnan cu no tin cejas
- Cejasnan cu colornan cora, biña, berde etc.
- Tambe eyeliner y lipliner

Nos tin e solucion pa bo.

Cada servicio ta den forma personaliza .

Sin dolor y no ta hincha den un ambiente relajante.

Mas di 15 aña di experiencia .

Tambe nos ta drecha cejanan cu :

Waxing, pincet y blade den forma unico,

Cu ta cuadra cu bo cara.

Yama awe mes na 730-3327 /586-7272 nos ta wardabo
cu un sonrisa. Consulta ta gratis.

Na: Dilailah Beauty Clinic

Noord # 82 den Centro Comercial Noord
patras di Botica Noord

BOTICANAN:

Maria	585-8145
Di Servicio Noord	586-4606
Seroe Preto	584-4833
Fergusonstraat	583-0620
Kibrahacha NV	582-2007
Oduber NV	582-1780
Paradera	588-6638
Santa Cruz	585-6890
San Lucas	584-4830
San Nicolas	584-5712
Santa Anna	586-0027
Trupial	582-8671
Eagle	587-9011
4 Centro Medico	584-5779
Aloe	584-4606
Central NV	585-1965
Dakota NV	588-7364
Del Pueblo	582-1253

POLIS:

Oranjestad	100
San Nicolas	104
Sta. Cruz	105
Noord	107
Tip-line	11141
Brandweer/Ambulance	911
Guardacosta	913
Seguridad National	11911
Hospital	527-4000
Centro Medico	524-8833
Setar storing	117
Web Storing	525-4600
Elmar storing	523-7147
Agencia Funeral:	
The Olive Tree	584-8888
Ad Patres	584-2299
Aurora	588-6699
Mementomori	582-2222

Fundacion:

Cas	584-2050
Fada	583-2999
F A V I	582-5051
Famia Planea	588-9591
Autismo Aruba	588-1179
Pa Hende Muherr	583-5400
Pa Hubentud	588-6138
Bloedbank Aruba	587-4260
Solo di Pueblo	585-9500
Canal 22	585-9500
Tip pa redaccion	592-6895

Dokter y Botica na
Warda pa bao di Brug:

Yama pa informacion na
Horacio Oduber Hospital:
527-4000

Dokter y Botica na Warda
pa riba di Brug:PUEBLO A HAÑA SU
PEN BEK

Pa kualkier informacion
solodipueblo@gmail.com

of
585-9500



**Publica bo clasificado,
awor cu prijs pa siman:
Afl. 35.00 pa 1 siman /
Afl. 140.00 pa luna. Pasa
na nos oficina na Sta.
Cruz 110 of e-mail nos na
solodipueblo@gmail.com**

TA BENDE

2 CAS NA TANKI
LEENDERT
TERENO PROPIEDAD
10.780 M2 NA
MONTAÑA
2 CAS NA
PARADIJSWIJK
YAMA : 5937118.

Bo tin mester di un
fotografo ON THE
SPOT pa bo fiesta di
cumpleaños, ricibimento
of otro actividad?

Nos ta GARANTIZA bo
un super BON prijs!

Yama 5620119 of
7403140

TA BENDE

Un fax machine
marca: SHARP den bon
condicion. Plain paper

Prijs: fls. 125, -

Yama: 593 - 8182

CUMINDA

Tur dia tin specials di dia
na Topacio Restaurant,
situa banda di Botica
Noord.

Pa bestel bo plato yama
nos na 587-0430

DON PINCHO
Specials
DIAMARS

→ Special di 11:30 am. pa 3 pm.

- **PISCA FRESCO** f 15
Prepara riba grill.
cu aros, salada + banana.
- **PINCHO MIXED** \$ 10
Prepara riba carbon natural.
Ta bin cu pan bruin + saus.
- **SOPI DI DIA** f 9,50

Pa pedido ☎ 585-8459

CORONA UPHOLSTERY
Estableci desde 1997
Unda bo trabao ta garantisa 100+100%
PARADERE SHIRIBANA 4 – TEL: 566-4358 y 583-1146

Nos tin hopi experiencia di verf y
renoba tur set di sala y recliner

Y tambe nos
tin tur sorto di
tela pa fura.

Riba muebles
Europeo y
Americano



Tambe nos tin areglo di pago.

Mito Upholstery

ta fura tur tipo di stool di cas, oficina, bar, rest, tambe auto,
pick up, etc trabao garantiza
tel : 5852843 cel: 6608780

CUMINDA

Tur dia tin specials di dia
na Topacio Restaurant,
situa banda di Botica
Noord.

Pa bestel bo plato yama
nos na 587-0430

CUMINDA

Cilantro Grill situa dilanti
Colegio San Hose na
Sta. Cruz, tur dia tin
specialnan di dia. Yama
haci bo pedido:

594-0635

Barber

Sta Cruz Barber Shop
a habri su porta. Habri
tur dia te cu 9'or anochi.
Situa dilanti Colegio San
Hose, (banda di Blush).
Pasa cerca nos y nos lo
drecha bo look y ponebo
master master!

CUMINDA

Cushina di Dochi Lee

NOS SNACKS

tur dia tin special di
dia. bestel bo cuminda
tempran na 585-2585

TA HUUR

Ta huur Trappers Club pa
cualquier ocasion. Airco,
espacioso. Pa fiesta
di ricibimento, reserva
tempran. Tambe pa
encuentronan religioso.

748-8280

TA BUSCA

Fundacion biba feliz ta
busca un sirvienta interna
cu experiencia pa cuida un
persona di edad. interesado
nan por yama na tel 5856741
entre 1:00 y 4:00 pm. o ta
acepta persona nan cu no tin
permiso pa traha .

Ta Bende

Harinja di MAISHI RABO
100% natural na
Nature's Discount
Seroe Blanco dilanti APFA
y Pos Chikito banda di
Laboratorio Familiar.
Tel: 5840336

**CUMINDA**

Sta Cruz Bar y
Restaurant. Pa
pidi cuminda
yama: 585-8088

TA BENDE

PORCO DI DOS
LUNA BIEU
AFL 60,- PA UN
TEL 5941317 /
5859870

Chica Pos

Marios Septic Tank

Servicio Rapido pa chica
pos.

Pa servicio yama:
5603500

TA HUUR

Ta huur espacio comercial na Centro
Comercial Noord. Perfecto pa cualquier
sorto di oficina. Adres: Noord 82.
Pa informacion yama
730-7000

Indian Rock Garden

E lugar ideal pa bo celebracion di bruid,
cumpleaños, aniversario, prome santa comunión, bautismo
y otro celebracionnan, pero tambe pa seminario, workshops,
charla y presentacionnan.

Pa informacion di prijs y reservacion jama 5926460,
of manda bo mensahe via Facebook/indianrockgarden
of email info@indianrockgarden.com



Bautismo di uniform



Diasabra 24 di Mei e team di billiard 'Mira nan Mira Nos' a bautisa nan uniform nobo patrosina pa Adju Upholstery. Madrina ta Sharyen Simon y padrino ta D'Angelo Odor. Mirando cu nan ta menor di edad a opta pa bautisa e uniform cu awa envez di champagne manera ta tradicion. E team completo ta gradici Sr. Adju Simon di Adju Upholstery pa kere den nan prestacionan y a sponsor e bunita uniform pa e siguiente campeonato di billiard.



Nobena



Señora di tur pueblo

Un invitacion cordial na Aruba en general pa asisti na un nobena dedica na Señora di tur pueblo. E fiesta di Señora di tur pueblo ta wordo celebra riba 31 di mei.

Dia	Fecha	Ora y Lugar
1	Diahuebs, 22 di mei 2014	18:00. Nobena, Misa Santa Theresita, San Nicolas 19:00 Santo Sacrificio di Misa, Misa Santa Theresita, San Nicolas
2	Diabierna, 23 di mei 2014	18:00 Nobena, Misa Santa Theresita, San Nicolas 19:00 Santo Sacrificio di Misa, Misa Santa Theresita, San Nicolas
3	Diasabra, 24 di mei 2014	18:00 Nobena, Kapel Emmanuel*, San Nicolas 19:00 Santo Sacrificio di Misa, Kapel Emmanuel, Sanicolas
4	Diadomingo, 25 di mei 2014	17:30 Nobena, Misa Santa Theresita, San Nicolas 18:30 Santo Sacrificio di Misa, Misa Santa Theresita, San Nicolas
5	Dialuna, 26 di mei 2014	17:30 Nobena, Misa Santa Theresita, San Nicolas
6	Diamars, 27 di mei 2014	17:30 Nobena, Misa Santa Theresita, San Nicolas
7	Diarazon, 28 di mei 2014	17:30 Nobena, Misa Santa Theresita, San Nicolas
8	Diahuebs, 29 di mei 2014	18:00 Nobena, Misa Santa Theresita, San Nicolas 19:00 Santo Sacrificio di Misa, Misa Santa Theresita, San Nicolas
9	Diabierna, 30 di mei 2014	18:00 Nobena, Misa Santa Theresita, San Nicolas 19:00 Santo Sacrificio di Misa, Misa Santa Theresita, San Nicolas
Fiesta	Diasabra, 31 di mei 2014	06:00 am Rosario na honor di Señora di tur pueblo, Grot di Lourdes, San Nicolas 07:00 am Santo Sacrificio di Misa, Grot di Lourdes, San Nicolas

Ban gradici Señora di tur pueblo pa tur fabor ricibi, su cuida maternal y pidié pa e sigui intercede pa nos isla y henter mundo.

Atentamente,
Grupo di Señora di tur pueblo

* Adres Rooi Hundo, San Nicolas

Fiesta

Señora di tur pueblo



Un invitacion cordial na Aruba en general pa asisti na e fiesta di Señora di tur pueblo cu ta wordo celebra riba 31 di mei 2014.

Riba 31 di mei 1955 Señora di tur pueblo a bisa e visionera: "Bo lo soru pa cada año dilanti mi trono, dilanti mi imagen e pueblonan reuni".

Ban gradici Señora di tur pueblo, nos Co redentora, Mediadora i Abogado pa tur fabor ricibi, su cuida maternal y pidié pa e sigui intercede pa nos isla y tur pueblo nan na mundo.

Diasabra 31 di mei 2014.

6:00 am Rosario na honor di Señora di tur pueblo na Grot di Lourdes, sigui pa 7:00 am Santo Sacrificio di Misa na Grot di Lourdes, San Nicolas.

Atentamente,
Grupo di Señora di tur pueblo

SOLO Local

Un exito rotundo

Garnier ta gradici tur cu a aporta y sostene nan di 4 Garnier Beach Clean Care

A surpasa e expectativa di 800 voluntario

Un proyecto cu a inicia cu den caredi 200 participante na 2011, awor a crece te surpasa e expectativa di 800 boluntario, yegando alrededor di mil boluntario. Garnier Beach Care 2014 tabata sin duda, un exito rotundo y esaki no tabata posibel sin e partnernan, patrocinadornan y e voluntarionan.

Primeramente Garnier kier gradici su partner Focus, cu pa 4 aña consecutivo ta forma parti di e bunita proyecto aki. Zoomaruba tambe a bira un partner ya pa 2 aña consecutivo y ta haci un tremendo trabou. Fundacion Turtuga Aruba pa 4 aña consecutivo ta haci e parti di division di e areanan pa e diferente gruponan, poniendo



bandera na e areanan y tambe yuda cu cualkier cos cu presenta tanto den preparacion como e dia mes di e accion di limpieza.

E aña aki Garnier kier gradici Ecotech Aruba cu a patrocina e bakinan di sushi, como tambe

Balashi cu nan producto awa, cu a percura pa tur e voluntarionan haya nan debido awa. E hobennan dinamico y balente di Jeugd Rode Kruis tambe a contribui cu e accion aki y tabata hopi bon ekipa y atento cu e voluntarionan pa cualkier incidente. Y finalmente George Cycling cu a contribui cu diferente di su autonan estilo 'boogy' cu a facilita e team pa transporta e saconan di sushi como tambe tira bista riba e area di 4 km.

Na cada un di e gruponan cu ta bin tur aña pa aporta cu e bunita accion aki y cu ta demonstra amor y respet pa nos medio ambiente, un danki inmenso, pasobra boso ta haci cu e accion aki ta crece y asina hiba e mensahe na mas y mas

hende den nos comunidad. Ta trata di e gruponan: Valero Volunteer Group – GLW Foundation y tur e candidatanan di GLW – Grupo Nos cu Nos di Banco di Caribe – Universidad di Aruba – Lady Olave Baden Powell Groep – JCI Yala – Arubaanse Voetbal Bond – Minister drs. Paul Croes y team y Minister drs. Arthur Dowers.

Otro aña Garnier ta invita un y tur pa un biaha mas bin join nan prome lustro di Garnier Beach Care, cu lo tuma luga riba diadomingo 16 di mei 2015. Marca e fecha riba bo kalender y cuminsa encurasha un y tur pa bin hunto un diadomingo y aporta na bienestar di nos medio ambiente y pais, participando na e di 5 Garnier Beach Care, cu sigur lo ta un celebracion total.



ALERTA -- BIENTO FUERTE Y OLANAN HALTO.
ALERT -- STRONG WINDS AND HIGH WAVES.
ALERT -- HARDE WIND EN HOGE GOLVEN.

PRONOSTICO DI TEMPO
PA ARUBA VALIDO TE
DIASABRA 24 DI MEI 2014

COMPILA:
DIABIERN 23 DI MEI 2014
17:00 (21:00 UTC)

TEMPO:
PARCIALMENTE TE
LEVEMENTE NUBLA.

TEMPERATURA MAXIMO
33 GRADO CELSIUS Y
TEMPERATURA MINIMO 27
GRADO CELSIUS.

SOLO TA SALI 06:14 AM Y TA
BAHA 07:00 PM.

BIENTO:
FRESCO TE FUERTE DI
DIRECCION OOST CU
AVERAGE DI 21 NUDO Y
BIENTO MAXIMO DI
34 NUDO.

SITUACION GENERAL:
E TEMPO ACTUAL LO KEDA
PERSISTI PA E SIGUIENTE
DIANAN.

NUBIANAN DEN NIVELNAN
HALTO TA KEDA PERSISTI
DEBI NA UN DISTURBIO DEN
NIVELNAN HALTO. E
NUBIANA AKI NO TA
PRODUCI AWACERO.

E BIENTO TA KEDA FRESCO
TE FUERTE DURANTE E FIN
DI SIMAN.

DEN ORANAN DI MARDUGA
PA MAINTA TEMPRAN
OCASIONALMENTE UN
YOBIDA LEVE Y
BREVE
POR CAI PERO E CANTIDAD
DI AWACERO NO TA
SIGNIFICANTE.

CONDICION DI LAMA:
OLANAN DI LAMA TA
FOR DI DIRECCION OOST-
NOORDOOST CU HALTURA
DI 6 TE 9 PIA.
TENE CAUTELA RIBA LAMA.

PROSPECTO DI TEMPO PA E
FIN DI SIMAN Y CUMIENSO
DI E OTRO SIMAN:
PARCIALMENTE TE
LEVEMENTE NUBLA.
BIENTO TA KEDA FRESCO
TE FUERTE.

TEMPERATURA LO
FLUCTUA NET UN TIKI RIBA
NORMAL.

REGISTRACION DI
TEMPERATURA (CELSIUS)
Y AWACERO (MM) DEN
ULTIMO 24 ORA :

AIRPORT MAX 33 / MIN 27
/ 0.00

HADICURARI MAX 29 / MIN
26 / 0.00

E PROXIMO BULLETIN
LO WORDO PUBLICA
DIASABRA 24 DI MEI 2014
17:00 (21:00
UTC)

Ta busca:

Un senjora ta busca un casita
di bende number, traha di
palo, segunda mano y na bon
prijs.
No mas caro cu 800 o 900
florin

Jama: 748-8280

RCA a clasifica pa final di futbol hubenil Division menor

E tricolornan di Solito, RCA a bira e prome equipo clasifica pa final pa loke ta e Liga Hubenil di AVB, division di Menor. Diasabra anochi den un tremendo partidaso di futbol, RCA ta vence e muchanan di SC United, kendenan tabata posiciona como e number dos den e playoff aki tras di e propio RCA.

E ocena tricolor no a tene compasion cu e ekipo di Noord, unda nan ta bin

gana cu e score final di 5 - 2. Mester bisa cu RCA tabata gana te den lat sin haya gol encontra den pito e ekipo di SC United ta reaciona anotando dos gol. Pa RCA a anota gol e hoben Francis van den Linden, Djudi Werleman, Jesus Penate, mientras e homber grandi di RCA sin duda tabata Jean Pierre "Champi" van den Linden kende ta anota 2 gol.


Den e otro partido, e ekipo

di La Fama a enfrenta e ekipo di Brazil Jrs. Mester bisa cu nos a mira un partido basta pareu unda ambos ekipo a haya a oportunidad di anota gol, pero alo largo e wega ta termina 0 - 0.

Diamars awor e weganan decisivo lo tuma lugar den Stadion di Frans Fiagroa na Noord, unda nos lo haya den e prome partido e ekipo di RCA lo mester enfrenta Brazil Jrs, mientras cu den

e segundo partido La Fama lo enfrenta SC United. Pa tanto SC United y Brazil Jrs e weganan aki lo ta

uno crucial, unda lo defini kende lo bai e gran final di division di menor contra di RCA.



CONFIRMACION PAROKIA DI SANTA CRUZ

DIA: DIALUNA 26 DI MEI 2014 , GRUPO 6-9
DIAMARS 27 DI MEI 2014 , GRUPO 1-5

NOS TA WARDASIN FALTA !

DEN CENTRO SAN MARTIN NA SANTA CRUZ TIN UN ENCUENTRO CU TUR HOBENNAN CU TA BAI CONFIRMA , HUNTO CU NAN MAYORNAN PA UN " RETIRO SPIRITUAL "

"BALORNAN DI FAMILIA CRISTIAN "

ORA DI 7PM-9PM
ORADORNAN: SRA DORA KOOLMAN CROES
PADER ANDRE

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Cu profundo tristeza nos ta anuncia
fayecimento di



Sra. Rita Editha Geerman
Mihor conoci "Editha"

Yiunan: Sherriyenne y Arnobis Caraballo-Kelly
Alexandra Geerman

Su nietonan: Jonathan, Luis-Angel y Shawndrick
Caraballo

Tata di su yiunan: Pedro Kelly

Manera yiu: Justin Paesch

Su rumannan:

Donny y famia
Mito y famia
Hendrick y Famia
Marietje y famia
Leo y famia
Felipe y famia
Juliana y famia
Doddo y famia
Marila y famia
Elena y famia
Deta y famia

Su tanta- y omonan: Fanny Croes-Wever, Anna
Geerman-Wever, Lena Wever, Chida Herms, Ina
Dijkhoff

Chichita Lacle, Lena Trimon, Toy Geerman y Ireno
Geerman

Amiganan di cas: Glenda y Marijke

Amiganan na Hulanda: Jenny Koolman y Rosa
Orman

Su sobrino- y sobrinanan, primo- y prima-nan,
comer- y compernan, madrina, ihanan y demas
famia Geerman, Kelly, Caraballo, Wever, Croes,
Herms, Lacle, Dijkhoff, Trimon, Alcalá, El Kakoun,
Jacobs, Rivas.

Acto di entierro ta tuma lugar dialuna 26 di Mei
2014 na Misa San Juan Pablo II na Tanki Leendert
di 9:00 - 11:00 am y despues ta sigui pa entierro na
Santana Catolico na Noord.

Despues di entierro no ta ricibi bishita di
condolencia na cas.

Palabra di Bijbel encuanto gañadornan:

"Diabel ta boso tata y boso kier pone e deseonan di
boso tata den practica. E ta un matador for di comienzo
y nunca e no a aten'e na berdad, pasobra e no tin
berdad den dj'e."

Juan 8, 44.

Uitslag Nederland:

CDA 5 zetels, PVV en D66 4 zetels

Donderdag stemde Nederland, maar
zondag om 23.00 uur sloot pas de laatste
Europese stembus in Italië. De uitslag
blijkt af te wijken van de exitpoll. De
PVV van Geert Wilders heeft toch vier
Europese zetels gehaald (in plaats van
de in de peiling voorspelde drie). Het CDA
krijgt vijf zetels, D66 vier.

Nederlandse uitslag EU-verkiezingen

Partijen	Uitslag 2004 %	Uitslag 2009 %	Uitslag 2014 %
zetels 2004	zetels 2009	zetels 2014	
CDA	24,4	7	20.10 5.00
15.00	5.00		
PVV	-	-	17.00 5.00
13.20	4.00		
D66	4,3	1	11.30 3.00
15.40	4.00		
PvdA	23,6	7	12.10 3.00 9.40
3.00			
VVD	13,2	4	11.40 3.00 11.9
3.00			
GL	7,4	2	8.90 3.00 7.00
2.00			
SP	7,0	2	7.10 2.00 9.60
2.00			
CU/SGP	5,9	2	6.80 2.00
7.60	2.00		

PvdDieren	0.00	0.00
4.20	1.00	
50Plus	0.00	0.00
3.70	0.00	

Het CDA heeft in absolute stemmen
minder resultaat geboekt dan D66, maar
door een lijstverbinding met ChristenUnie/
SGP krijgt het CDA de restzetel van
50Plus. Die partij haalde net niet genoeg
stemmen om een Europese zetel te
krijgen.

De Partij voor de Dieren komt als
enige nieuwkomer met één zetel in het
Europees Parlement. Nog een verrassing
ten opzichte van de exitpoll: De PvdA
profiteert van een lijstverbinding met
GroenLinks en blijft, ondanks een iets
lager resultaat in absolute stemmen,
toch groter dan de SP in het Europees
Parlement. Drie zetels voor de PvdA,
twee voor de SP.

De uitslag wijkt eigenlijk weinig af van
de uitslagen in 2009. Een vergelijkbare
afvaardiging van politieke kleuren
gaat de komende vijf jaar Nederland
vertegenwoordigen in het Europees
Parlement.

Een overzicht van de resultaten per
gemeente vindt u hier.



**Aruba Softball Bond ta extende nan sincero
condolencia na famianan di:**

**Sr. Isaak Gottfried
di Casa Haime**

**Na bida Isaac tabata un fiel colaborador
di Aruba Softball Bond**

**Nos ta hopi agradecido na loke Isaac a significa
y haci pa Aruba Softball Bond**

**Condolencia ta bay na su yiu Michael Gottfried cu tambe ta
sostene ASB y na su nieta Jennifer Gottfried kende a tira pa
seleccion di Aruba Softball Bond aña pasa**

Cu Isaac sosega na paz!

Bishitantenan di Amazonia ta combina trabao cu placer

Palm Beach - Un grupo di ehecutivo di Marriott Surf Club recientemente a combina trabao cu placer, ora nan a bini hunto y a disfruta di delicioso cuminda y biña, pa un anochi cu e resort su Hunta di Directiva, e anochi prome cu e Reunion di Miembro Anual, conociendo otro y creando lasonan profesional y personal na e mesa di come.

Amazonia, cual awor ta bou di maneho nobo, ta preparando pa un cantidad

di cambio prome cu e gran desvelo di e restaurant su bar y lounge nobo, net prome cu cuminsamento d e Copa Mundial na Brazil.

Sushi Salsa, Amazonia su famoso ruman chikito, lo ta mudando pa e area cu tin cara pa e caya di Palm Beach, unda e lo disfruta di mas espacio, doblando su capacidad di sinta. E cambio lo libera e bar, cual lo wordo transforma den e centro principal di FIFA Copa Mundial na Aruba, combina cu un menu special di cuminda

y bebida, y pantayanan di television gigantesco.

Aki por mira e Hunta di Directiva y Miembronan di Gerencia di Marriott Surf

Club, mesclando trabao cu placer na Amazonia.

